

**SEVENTH LEGISLATIVE ASSEMBLY OF MIZORAM
(FOURTEENTH SESSION)**

LIST OF BUSINESS

FOR SECOND SITTING ON WEDNESDAY, THE 15th NOVEMBER,
2017
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.
2. **ELECTION TO COMMITTEE ON LOCAL FUND ACCOUNTS** to elect Members of the Committee on Local Fund Accounts.
3. **ELECTION TO COMMITTEE ON PUBLIC UNDERTAKINGS** to elect 2 (two) Members of the Committee on Public Undertakings.

LAYING OF PAPERS

4. **Pu R. LALZIRLIANA**, Minister to lay on the Table of the House a Statement of correction on the reply given on the 14th November, 2017 to Unstarred Question No. 2, ballot No. 2 asked by Er. Lalrinawma regarding 'MGNREGA chungchang'.
5. **Pu H ROHLUNA**, Minister to lay on the Table of the House "The Mizoram Building and Other Construction Workers (Regulation of Employment and Conditions of Service) (Amendment) Rules 2017."
6. **Pu P.C. LALTHANLIANA**, Minister to lay on the Table of the House the following :
 - i) Annual Report of Persons with Disabilities 2015-2016.
 - ii) The Mizoram Village (Sanitation) Rules, 2017.
 - iii) The Mizoram State Commission for Protection of Child Rights Rules, 2017.
7. **Pu LAL THANZARA**, Minister to lay on the Table of the House "Right to Information Act, 2005 Annual Report 2016-2017."
8. **Pu P.C. ZORAM SANGLIANA**, to lay on the Table of the House Statement on Action Taken on the further recommendations of Committee on Estimates contained in the Sixth Report, 2017

relating to Commerce and Industries Department (Bamboo Development Agency).

9. **Pu T. SANGKUNGA**, to lay on the Table of the House Statement of Action Taken by the Government against Committee on Local Fund Accounts (COLFA) further recommendation contained in the Fourth Report on Technical inspection Report on Urban Local Body and Rural Local Bodies for the year 2013-2014 relating to Urban Development and Poverty Alleviation Department.

PRESENTATION OF REPORTS

10. **Pu P.C. ZORAM SANGLIANA** to present to the House the First Report of Subject Committee-I relating to Home Department.

11. **Pu LALRINLIANA SAILO**, to present to the House the Eight Report of Committee on Public Undertakings on Action taken by the Government against the recommendations contained in the Seventh Report of Committee on Public Undertakings relating to Mizoram Agricultural Marketing Corporation Limited (MAMCO) under Commerce and Industries Department.

12. **Pu T. SANGKUNGA**, to present to the House the Fifth Report of Committee on Local Fund Accounts on Annual Technical Inspection Report on Urban Local Body and Rural Local Bodies for the year 2013-2014 relating to Local Administration Department.

13. **Pu R. VANLALVENA**, to present to the House the following Reports of Subject Committee-III :

i) Fourteenth Report on Action Taken by the Government on the Recommendations contained in the Seventh Report of Subject Committee-III relating to Ayurveda, Yoga & Naturopathy Unani Sidha and Homoeopathy (AYUSH) under Health & Family Welfare Department.

ii) Fifteenth Report on Action Taken by the Government on the Recommendations contained in the Eighth Report of Subject Committee-III relating to Mizoram Health Care Scheme (MHCS) under Health & Family Welfare Department.

iii) Sixteenth Report on Action Taken by the Government on the Recommendations contained in the Twelfth Report of Subject Committee-III relating to Horticulture Mission for North East & Himalayan States (HMNEH)/Mission for Integrated Development of Horticulture (MIDH) under Horticulture Department.

iv) Seventeenth Report on Action Taken by the Government on the Recommendations contained in the Tenth Report of Subject Committee-III relating to National Mission on Medicinal Plant (NMMP) under Horticulture Department.

v) Nineteenth Report on Action Taken by the Government on the Recommendations contained in the Thirteenth Report of Subject Committee-III relating to Rashtriya Krishi Vikas Yojana (RKVY) Stream-I and National Vegetable Initiative for Urban Clusters (NVIUC) under Horticulture Department.

LEGISLATIVE BUSINESS

Bills for introduction, consideration and passing

14. **Pu R. ROMAWIA**, Minister to beg leave of the House to introduce "The Mizoram State Higher Education Council Bill, 2017."

ALSO

to introduce the Bill

to move that the Bill be taken into consideration

AND

to move that the Bill be passed.

NGURTHANZUALA
Commissioner & Secretary

....

SPEAKER : Sualna chu hua ula, thatna ngaina ula, kawngkaah rorelna chu tungding nghet rawh u.

Amosa 5 : 15

Zawhna kan lak hmain MLA pathum, Pu Lalrinawma, Dy Speaker, Pu John Siamkunga leh Pu Lalrobiaka te hi an awm lova, House kan hriattir e.

Tunah Starred Question No. 21 zawt turin Pu PC Zoram Sangliana i lo sawm ang.

Pu P.C. ZORAM SANGLIANA : Starred Question No. 21 na Food, Civil Supplies and Consumer Affairs Minister chhan atan :

a) 2017-ah hian (Ka thehluh danah chuan ruah tam avangin tiin ka dah a, mahse a tha tho e) inkalpawhna chhiat avang hian Mizoram chhungah riltam/chaw awm loh vangin mitthi an awm em?

b) An awm chuan sorkarin engtinng e chhawmdawl na a pek?

SPEAKER : Hei hi a zawhna neitu Minister zahawm tak a awm loh avangin kan House Leader zahawm tak authority a pe a. Amaherawhchu zawhbelhna kha a awm thei dawn lo a ni, i hria ang u. Tunah Pu Lal Thanhawla, House Leader chhang turin i sawm ang u.

Pu LAL THANHAWLA, CHIEF MINISTER : Pu Speaker, member zahawm tak zawhna kha a chhanna chu: tam vanga thi report kan dawng lo. Chuvangin (b)-na kha chu chhan a ngai lo. Ka lawm e.

SPEAKER : Zawhna 22-na kan la ang a. Zawhna neitu Dr. K. Beichhua, MLA zahawm takin zawt se.

Dr. K.BEICHHUA : Pu Speaker, ka lawm e. Minister zahawm tak, Home Department changtu hnena ka zawhna chu :

a) Tunlaia Police Constable lak tumah hian post engzat tur nge?

b) Diltu mi engzat nge?

c) Tun dinhmunah Police hna ruak Mizoram sorkar hian engzat nge a neih tih a ni e.

SPEAKER : Home Minister zahawm tak chhang turin sawm ang.

Pu R. LALZIRLIANA, HOME MINISTER : Pu Speaker, ka lawm e. Member zahawm tak Dr. K.Beichhua zawhna :

a) Tunlaia Police Constable lak tumah hian post engzat tur nge?

Constable hi UB ah 75 leh AB Constable 350 lak tum a ni.

b) Diltu mi engzat nge?

Police Constable lak tumah hian diltu mi 12,460 an awm.

- c) Tun dinhmunah Police hna ruak Mizoram sorkar hian engzat nge a neih?

Tun dinhmunah Mizoram Police Department hnuaia hnaruak(direct quota) awm dan chu hetiang hi a ni.

Sl. No.	Rank	No.(s) of Vacancy
1.	Sub-Inspector (UB)	45
2.	Asst. Sub-Inspector (UB)	18
3.	Asst. Sub-Inspector (Ministerial)	64
4.	Stenographer	5
5.	Head Constable (MPRO)	93
6.	Constable (UB)	490
7.	Constable (AB)	1769
8.	Constable (GD) - MPRO	18
9.	WT Follower	6
10.	Driver	14
11.	IV-Grade	105
	Grand Total	2627

SPEAKER : Zawhbelhna question neitu lo ding hmasa se.

Dr. K. BEICHHUA : Pu Speaker, tunlai Police recruitment kan conduct-ah hian thingtlang atanga capital, Aizawl-a lo kal tam tak an awm a. Thla khat dawn thaw cham te an awm ta a. Hei hi engatinge District tinah hian physical examination tal hi chu conduct a nih mai loh? Enge conduct loh nachhan tih kha point 1-na ni ta se.

Pahnihna ah chuan written exam result engtikahnge a chhuah ang tih leh interview hi engtika conduct theih nge sorkar hian a in beisei tih ka zawhbelhna a ni e.

SPEAKER : Zawhbelhna pahnih dangin an nei a. Ngawi rawh aw, a tam lutuk. Helam i ti ve phawt ang, Pu Pianmawia.

Pu R.L.PIANMAWIA : Pu Speaker, ka lawm e. Ka zawhbelhna chu hengte hi a ni a :

- i) Kumin Krismas lo thleng leh turah hian halpuah, hal mawi, silai lem ang chi te khap a ni leh dawn em ?
- ii) Infiammi te tam zawka kan chher chhuah theihna turin, infiammi kan lo phur lehzuah theih nan, Police Department-ah hian mi 100 vel tal lakna tur ngaihtuah theih a ni ang em?

Tin, pakhat leh ah chuan, Police chhungkuaah thihna avang te emaw, harsatna hrang hrang avang te emawa harsatna tawh mi tam tak an awm a. Chungte tan chuan compassionate ground-a hna siam sak dan tur ngaihtuah theih a ni ang em tih ka zawt e.

SPEAKER : Zawhbelhna te a tam riau a. Mahse, lo chhinchhiah mai teh se. Pu Chalrosanga'n a zawt ve leh thung ang. Lo nghak hram rawh u.

Pu CHALROSANGA RALTE : Pu Speaker, ka lawm e. Ka zawhbelhna chu kum 2008 IR lak tuma 'teh rawh u ka ti lo, la rawh u ka ti alawm' tih te leh 'Kan fapa hi inchhung lum atangin kan control thei tawh lo, uniform ha chungin lo control ve tawh rawh u' tih thawm report tun Police Constable lakah hian a awm em tih hi ka zawhbelhna a ni e.

SPEAKER : Tunge ni kha? Pu Ruatkima em ni? Zawt ve leh rawh le. Tichuan, a tawpna a ni tawh em? Pakhat dang kha in awm? Aw, Pu Rinawma.

LALRUATKIMA : Pu Speaker, ka lawm e. Ka zawhbelhna chu, kum 2011 atanga 2016 chung khan Mizoram Police 361 kha advertisement chhuah lova lak a nih thu session hmasa March 20, Unstarred Question 51 ah khan chhan a ni a. Khang mi te, (2011-ah khan mi 133, 2012-ah 157, 2013-ah 10, 2014-ah 10, 2015-ah 2 leh 2016-ah mi 44, an vaiin mi 361 lak an ni a) kha eng dan tlawhchhanin nge advertisement chhuah lova lak an nih rikngawt kha kan zawt a ni.

SPEAKER : Er. Pu Lalrinawma

Er. LALRINAWMA : Pu Speaker, ka lawm e, Pakhatna ah post ruak hi a tam khawp mai a, tuna kan lak te ngaihtuah chuan a la beitham khawp mai a, hei hi lak belh leh thuai tumna a awm em tih kha ni ta se. A pahnihna ah chuan Home Guard Volunteer atang hian tun hunah lak chhoh ve tumna a awm em tih kha ka zawhbelhna a ni.

SPEAKER : Awle, a tawpna a ni ta. Tichuan Minister zahawm takin chhang vek sela.

Pu R LALZIRLIANA, MINISTER : Pu Speaker, ka lawm e. Pu Beichhua zawhna pahnihna kha ka zawt nawn leh ang a, pakhatna kha ka chhang phawt ang a.

District tin atanga physical test hi chu tih ni se tih te pawh rawtna a awm a, a tirah pawh kan sawi tawh kha. Amaherawhchu lak tur hi a

tlem tham si a, anmahniin rawn pan mai sela, sum leh pai tam tak chu anmahni pawhin an rawn seng tho ang a. Amaherawhchu a sorkar lam khan, "Hei hi chu a buaithlak deuh e, a tlem tham em mai a, hmun khatah i ti mai ang," kan ti ta a nih kha. A pahnihna kha enge ni kha?

Dr. K BEICHHUA : Pu Speaker, a pahnihna kha written exam result leh interview hi engtika conduct tur nge ni ang tih kha a ni a. Chutihlai chuan, lak tur an tlem ang reng si a, a dil kha an tam si a, thingtlang lam bialtu te chu kan buai khawp mai thla khat chhung chu.

Pu R LALZIRLIANA, MINISTER : A dik khawp mai, in hah zia kan hria a, a tira kan committee-a kan lo ti lo kha a tawp lamah khan kei pawh khan kan rawt titih a. Amaherawhchu a buatsaihtu Police ten, "Helai ah kan lo ti vek tawh si a, detailment han siam a han ti leh tur hian a buaithlak em mai a, ti lo mai ang," an ti a. Kan Speaker te phei hi chuan za tel an thleng a, nangni pawh in ni tho ang tih ka ring a, kan lo ti hah che u a, pawh kan ti khawp mai. Khalai kha, tih leh a awm thei a nih chuan, a tlem deuh a nih pawhin za bawr, za li za nga te kan ti leh thei a nih chuan, district tinah physical na na hi chu tih kan lo tum tawh ang.

Tin, tuna question hi an en mek a, hall ah an en a, mi pakhat en mai pawh duhtawh lovin, midangin an check a, tikhan helamah a Board-in an lo ennawn leh a. A harsa em em a, cross examination tih vek a ni a, fair taka tih kan tum a ni. Tichuan, result hi Dec ni 11 velah puan theih tura beisei a ni. Tichuan kan time table kha.. interview kha chumi hnu ah chuan koh zui a ni mai ang. Tin, helaiah hian, niminah kan Speaker zahawm tak hian a sawi a; tin, midang te pawhin an sawi tho va. Tuna kan lak tur hi tlem hle mah se, tlema kan in khai rual deuh chu a ngai mang e, tih te hi chu kan duh dan a ni a. Micro minority te hi engemaw zat an luh ve a ngai a. A chhan chu Mizoramah pawh hian, Zofa te ngei ngei pawh hian third posting awmin kan hre ve tlat mai a, sorkar hnathawk zawng zawng hian. Chuvangin, entirnan Pu Beichhua, MLA zahawm tak bialah te chuan, Aizawl ami va awm ta se, hremnaah in ngai lek lek te pawh hi an awm ve a, anni tan a lo nuam em em, an Jerusalem a lo ni ve a. Chuvangin tlema a thiamah pawh khan midang an tluk chiah loh pawhin, tlema in khairual dan chu awm se kan duh khawp mai tih kha kan sawi tel duh a.

Tin, member zahawm tak Pu Piana zawhna kha tun tum ah hi chuan sportmen te tan hian quota a awm lo va. Amaherawhchu mark in ang an awm a nih chuan anmahni kha duhsak tur a ni tih ziahsa a awm a, neihsa kan nei a. Chutiang chuan tunah pawh hian theih chu ni se chuan recruitment te hi a harsa em em a, sum senso pawh a tam a. A rawn titu tan pawh senso a tam a. Helaia MLA in leh lo, quarter lo nei tan te pawh, thingtlang ami tan an

rawn behchhan lo thei lo a. Senso a tam a, sorkar tan pawh a tam hrim hrim a. Chuvangin han lakbelh leh theih mai ni se chu kan duh khawp mai a, kan Finance lam te hi enge an dinhmun kan hre lo va, kan dil nghal ni sela. Tlema zawng sawm li, sawm nga, za tal an theih loh pawhin, kan Chief Minister zahawm tak nen hian inrawn sela, "Ti leh mai teh u, a buaithlak em mai," ti se. Sports-ah, kan Sport Minister chak takin hma a la a, Zoram hi India ramah chuan kan thangchhuak a ni tawh mai a. National level, international level-ah pawh, gold medal tam tak kan han la ve thei mai tawh te hi ropui kan ti a. Chutah chuan kan dil ve nghal a nih chu. Ka zawt pawh chu ni ve mai sela.

Tin, Police chhungkua thihna tawh kan tam khawp mai a. A bikin operation laia thi te hi chu chawplehchilhin an aiawh kan la nghal mai thei a. Tin, an nupui te emaw an ai awn tur 4th Grade-ah emaw, LDC thlengin a lak theih ve a. Chutiang chuan kan ti a, hetiang operation-a thi te hi chu an duty kan hnawhkhat zel a. Pakhat hnawhkhat theih loh kan la nei a. Chu chu a sorkar lam ni lovin, an mahni chhungkua an inrem loh vang a ni a. Chuvangin police chhungte hi duhsak, engemaw mark inang rau rau ah chuan duhsak chu an phu kan ti a ni.

Tin, halpuah chungchang kha, a in relevant vak lo a. Amaherawhchu, khap lam leh ven lam vek ti tute kan nih avangin, arawn zawt tel a, a awm ka ti tho va. Halpuah leh halmawi, hetiang boruak ti chhe thei ang chi te hi kumin ah pawh hian khap leh a ni a. Mite, sumdawng te an lo in lei hmaa kan tih chhuah a ngai a ni kan ti a. Press ah te pawh kan sawi tawh a, committee te pawh kan nei tawh a. Hei hi mi tam tak ngaihdan a inang lem lo va. Hetiang hunpui ve ah te chuan, Christian ramah te pawh an ti vak alawm an ti a. Mi tih ang vek hi a tul lemlo in kan hria a keini chuan, chuvangin kan lo ti fuh viau in ka hria. India sorkar laipui pawhin Supreme Court meuh pawhin, an Diwali lai pawha a lo khap tawh a ni a. Chuvangin kan state hi India rama hmahruaitua kan lo tang kha a tha kan ti a ni.

Member zahawm tak Pu Chalrosanga zawhna kha, "Teh rawh ka ti hleinem, lo la rawh ka ti alawm," tih ang chi kha chu keiniah chuan a awm ve lo va. Pathian khawngaihna a zarah, Police hi hman deuhah khan palian 60 kan la a, chung ah pawh chuan complain a awm lo va. Tuna kan lakah pawh hian complain keima hnenah chuan pakhat a rawn awm a. Hmanniah, "M.A ka ni a," a ti a chu chuan a rawn complain a, kan hotute ka hrilh nghal a. Tahchuan a hrilhtu te pawh an lo zawng a. Amaherawhchu a hrilh a tiha kha amah in a phat leh deuh si avangin a hrilh chiah chu ka hre lo va, 'google atangin an en a, a va hrilh thin a ni,' a ti a. Ka bulah chuan Chiang deuh in a rawn sawi a. Chutiang en thiam, khulaia a vengtu Havilder tih vel, bel 2 (hnih) tih vel ang kha chuan Google atanga answer paper tu emaw va zawh a

han tih kual vel leh eng emaw kha chu a har awm mang e aw, midang pawhin an rawn ti tho a.

Engpawhnise, complain tu an awm chuan tiin 'lo zawng chhuak nghal rawh u kha kha,' ka ti a. Hei hi a ti tak tak a nih chuan suspend nghal tur kan ti a. Amaherawhchu a thu kha an han zawt chhuak a, CID rambuai lai kha a ang angreng khawp mai a. A hmel hmu leh ila kha kha chu ka la hria ang a,' tih avangin duty zawng zawng, khalai vel bawr ami kha an ko khawm a. Chuiang chuan chiang taka hetia lo kawh, va kawh chiah kha chu a theih lo va. No.1,2,3-na kha a ni em ti zawng khan lo chhinchhiah ve turin hotute bulah a lo thu ve a ni. Chutiang chuan ngun takin kan ti a. Chuvangin a fair thei ang bera hei hi tih kan tum a ni.

Tin, member zahawm tak Pu Ruatkima khan, '361 hi advertisement lovin lak a awm a, hei hi engvang nge,'? a ti a. A vang chiah chu ka hre tawh bik lo va. Police a han kai thar hi Police atanga lak ni lo, IV Grade atanga lak te hi promotion ang reng deuh, (engnge ni in tih kha, re-master an ti a. IV Grade-ah pawh khan mi tha tak tak awm sa te han lak belh te pawh kha an awm a. Chung atang chuan tam tak hlankai an lo ni a. Chuvangin, hetiang zat zat hi a hranpaa Police-a tang tura direct-a lak kan nei lo va. Chung avang te leh mitthi ai, hetia operation-a thi chiah ni lem lo te pawh khatianga an duty laia lo thi, an fapa te emaw, fanu te emaw pawh kha an nih ka ring e. (Interruption)

Pu LALRUATKIMA : Pu Speaker, mi 361 te kha sorkar-in direct-a a lak vek an ni a. Chutah chuan danin min phut angin Labour & Employment lamah registration tih te a ngai a. Tin, dan anga la tur chuan advertisement chhuah a ngai a. Chulaiah chuan mi 361 zet kha tun kum 5 chhung khan lak an lo ni ta mai a. Kha kha dan zawm in kan lak theih laia, dan zawm loa kan lo la kha a pawh khawp mai. Kha kha chhan bul fuk tak, tan chhan tur kan nei lo tihna ni-ah kei chuan ka ngai a ni. Khalaiah khan a changtu a ni a, Minister zahawm tak kha, hre tura ngaih a ni. Sorkarah hian accountability a awm tur a ni. Kan efficient tawh loh zia hi a lang fo mai a, a pawh khawp mai, in en let ang u.

Pu R.LALZIRLIANA, MINISTER : Ni e, mihring hi in siamtha chho zel tur kan ni a. Sportsman te, a bik in hemi kan manual-a lo phal tawh ang in sportsman quota a lo awm te kha direct-in DGP hian a la thei mai a. Tin, chutiang piah lamah re-master te kha an ni a. Tin, tuna ka sawi ang khan mitthi, chutiang te chu an ni. Tin, tunhma lam khan tun ang tak hian sorkar tha kan han siam chhoh zelah hian kan duhtui zel a, a lawmawm khawp mai a. Tunhma kha chuan SP te leh Commandant te pawh hian a ruak hi an lo hnawhkhat ve thei mai thin a. Amaherawhchu, tunah chuan chung zawng

zawng chu control a ni tawh a. Phalna lo chuan kan la hlei thei tawh lo a ni. Nangmahni ang deuh bawh hian kan chep lutuk hi (nangmahni han ti ila MLA opposition bench a thu te khan ngaih loh lamah lo ngai lo ula. sorkar pawh hi kan ngiau kan ngiau ve bawh a ni.

Tin, Pu Rinawma, member zahawm tak zawhna kha lak belh thuai theih ni se, a ti a. Kan duh dan chiah a rawn duh ve a, a lawmawm kan ti khawp mai a. Amaherawhchu, kei pawh khan nichinah khan kan dil a, tlema Police-a tang awm deuh, hrisel deuh te pheih hi chu han tih belh atan chuan kan duh khawp mai a. Tin, Home Guard hi quota an nei thin a; tin, sportsman te pawhin quota an nei thin a, PAMRA te pawhin an lo nei thin a. Chung zawng zawng chu kan hnawh a. Tun tumah hi chuan a tlem em a, quota ang zawnga a kal kha chuan a kal ral mai dawnin kan hria a.....(Interruption)

Pu Speaker, Home Guard khan, 'quota kan nei ve thin si a,' an rawn ti a, Amawherawhchu, tuna ka sawi ang khan, 'tun tum hi chu lo hrethiam mai teh u,' kan ti a, kan han beng ta a. Sipai bang erawh hi chu kan tilo ngam chiah lo a ni. India ram hian kan ngai pawimawh em em a, sipai bang quota kha 10% tur a ni a, chu pawh chu 5%-ah kan ti tla a. Chutah pawh chuan sipai bang va inlan ve ngawt kha a ni lo va. Engkimah an tlin chhoh ve kha a ngai a ni.

Er.LALRINAWMA : Pu Speaker, khawngaihin. Khalai bik kha....

SPEAKER : Ngawi rawh aw, Minister a din lai hi chuan din thuah tawh rih suh u. A thut hunah duh leh in ding dawn nia.

Er.LALRINAWMA : A sawi zo mai ang tih kan hlau deuh a. Clarification in khalai tak kha kan sawifiah duh chu sport leh thil dang kha chu

SPEAKER : Aw, i sawi duh chuan a thut hunah i sawi dawn alawm. Thu rih mai rawh. Ngawi rawh, ka ngawi zawk lovang. Ngawi zawk rawh, thu rih rawh. Thu rih mai rawh khawngaihin, sawi zo phawt rawh se.

Pu R.LALZIRLIANA, MINISTER : Pu Speaker, Home Guard khan, 'quota kan nei ve thin si a,' an rawn ti a. Amaherawhchu, tuna ka sawi ang khan tun tum hi chu lo hrethiam mai teh u, kan ti a, kan han beng ta a. Sipai bang erawh hi chu kan ti lo ngam chiah lo a ni. India ram hian kan ngai pawimawh em em a, sipai bang quota kha 10% tur a ni a, chu pawh chu 5%-ah kan ti tla a. Chutah pawh chuan sipai bang va inlan ve ngawt kha a ni lo va. Engkimah an tlin chhoh ve kha a ngai a ni.

SPEAKER : Awle, Pu Rinawma.

Er.LALRINAWMA : Pu Speaker, ka lawm e. Kan sawi duh lai chu a dang quota kha chu thu dang ni sela. Home Guard bik kha chu dan hnuai ah, Home Guard Act 1985 hnuaiah chianguang taka ziahlan a ni si a. Khalaia pek loh ngawt mai lai kha egng ni, dan kha kan ti danglam thei a nih si loh chuan a ki a va danglam ve, min hrilhfiyah thei em tih kha kan zawt a ni.

SPEAKER : Hrilhfiyah theih a ni em?

Pu R. LALZIRLIANA, MINISTER : Pu Speaker, keimahniin kan hria a, anmahni nen pawh kan sawiho a, an lo kal a. Chuvangin, hei hi chu in hriatthiamna in kan pe lo a ni.

SPEAKER : Aw, nakina kan hriat zel atan; mi an din lai chuan in din thuahlo hram ila, a theih chuan, kristian state kan nihna kha i hre reng ang u.

Zawhna No.23-na neitu Pu Lalruatkima, MLA zahawm tak zawt turin i lo sawm ang.

Pu LALRUATKIMA : Pu Speaker, ka lawm e. Ka Starred Question No.23, Home Deptt. changtu Minister zahawm tak chhan atan:

- a) Kum 2012 – 2017 chhungin dan loa ramri kana rawn pem lut mi engzatnge awm? Mi engzat nge man chhuah ni a, heng mite chungah hian engtinng action lak a nih?
- b) Dan loa ram dang mi rawn pem lut an awm tih sorkarin a hria em? Hria ni se hemi chungchang ah hian engtinng hmalak a nih?
- c) Mizoram hian international border engzata thui nge a neih? Heng ramri hnaih ah te hian Police Out Post/Border Out Post engzatnge awm a, khawihmun ah te nge an awm?
- d) Ramri ven hna thawk tute hi tute nge? Ram dang mite Mizorama rawn pem lut tur dan kawngah an thawk tha tawkin sorkarin a hria em tih kha ka zawhna a ni e.

SPEAKER : Home Minister Pu R Lalzirliana chhang turin i sawm ang.

Pu R LALZIRLIANA, MINISTER : Pu Speaker, member zahawm tak Pu Lalruatkima zawhna chhanna chu:

- a) Dan loa ramri kana rawn pem lut hriat an awm lo.

- b) A chung a kan sawi tak ang khan pem lut an awm Sorkarin a hre lo va, dan lo anga ram dang mi rawn pem lut an awm kan hriat loh avangin action lak dan kha kan hre lo a ni.
- c) Mizoram hian international border hi 722 kms a thui a nei a, Myanmar nen an inrina hi 404 kms a ni a, Bangladesh nen an inrina hi 318 kms a thui a ni bawka a ni.

International border-Bangladesh leh Myanmar-te hi BSF leh Assam Rifles ten an ven avangin a hranpaa international border veng turin Mizoram Police Outpost/Border Outpost din a ni lo.

- d) Ramri (International Border) ven thawktute hi Central Armed Police Force/Para Military Force-te an ni a. Khawchhak lam Myanmar nen an inrina hi 10th Battalion Assam Rifles-in an veng a, khawthlang lam (Western Sector) hi 1st Battalion leh 159th Battalion Border Security Force (BSF) in an veng. Ram dang mi te Mizorama an rawn pem lut tur dan kawngah sorkarin assessment a dawn chinah chuan an thawk tha tawkturah kan ngai.

SPEAKER : Zawhbelhna, Pu Lalruatkima a neitu i sawm ang u.

Pu LALRUATKIMA : Pu Speaker, ka lawm e. Ka Starred Question a hi zawhna diklo in min chhang thin hi paw ka ti khawp mai. Pu Speaker, ka vui khawp mai.

Home Deptt. hian October ni 20, 2015-a Starred Question no.84 naah khan kum 2010-15 chhungin foreigner dan loa ramri kana rawn lut mi 598 an awm thu in min chhang tawh a. Chutih laia vawiina ramri kan pakhatmah la awm lo anga ngaih theiha a rawn chhang leh si kha kan Home Minister hian clarify se a tha in ka hria. Chutah chuan heng kumah te hian 2014 pawh ka huam a, tuna ka zawhna ah khan 2012-17 a ni a, Pu Speaker, 2012 kum hian ramri kan mi 36 man an ni a, deported hi mi 36 tiin min chhang a. 2013-ah mi 102 man an ni a, 102 hi thawnkir an nih thu a rawn sawi a. 2014-ah pawh chu tho chu 52 rawn lutin, 52 thawh haw an nih thu a sawi a. Amaherawhchu 2012-17 chhungin hemi huam reng si khan engatinge he thil hi a awm leh theih thin aw! He House zahawm tak zahawmna te pawh hi a tichhia niin ka hria.

SPEAKER : I hriat sa i zawh thin vang aniang chu.

Pu LALRUATKIMA : Ka hriat loh ka zawt alawm. Hemi Pu Speaker, ka hriat loh avanga zawt ka nia. Amaherawhchu a kum hi a in ang lo a nih hi.

SPEAKER : A chhanna i hria, i belh zel..

Pu LALRUATKIMA : A chhanna hi RTI hmang pawhin kan zawt thei a, amaherawhchu he House-ah hian a prove kan duh a ni. Kan Minister zawhna kha a dik tawh lo tlat a ni. A chhan chu a chhanna kha a dik tawh lo va, 2010-15 inkar ka zawt a, a hma in, a kum den den in min rawn chhang vek a, amaherawhchu 12-17 inkar ka zawt leh a, engmah a awm lo a ti leh si a. 2012 atanga 2013, 2014, 2015-ah pawh mi 13 man an nih thu a sawi a, chu lai chu he House chhanna hi min rawn clarify sak sela tha in ka hria a. 'An awm hriat a nilo' tih laia kha. Pemplut an awm thu leh man zat ka zawt a, 'man chhuah an ni' a ti a, a rawn sawi vek a, he Assembly documents ah hian. Kan efficiency hi khawiahnge, kan ngaihtuah lo a ni.

Chulaiah chuan ka zawhbelh lehna chu, Ministry of Home Affairs-in ni 8 August, 2017-a identification of illegal migrants & monitoring chungchanga hma la tura min tih kha engtinge hma kan lak tih kha ka zawt a. Chuta kan hmalakna ah chuan kan ngaihthlak tawh ang khan man chhuah an awm lo a rawn ti bawh si a, hma kan la lo em ni tih kha ka zawhna a ni e.

Tin, a dawt leh ah chuan July ni 16, 2017-a Silsuri khaw daia BSF pahnihten an tihhlum leh acid an theh avanga vanduaiana tawh te kha zangnadawmna pek an ni em ? Thil sual ti tu te hnenah khan engtinge action lak a nih tih ka zawhna ni leh sela.

A dawt leh chuan Myanmar atanga raltlan (refugee) tun hnaiah Mizoramah an rawn lut em? An rawn lut a nih chuan engtin nge ruahmanna siam a nih a, engtinge sorkarin a lo enkawl ? Hemi lo dang tur emaw dawngsawng tur hian Ministry of Home Affairs pawhin hriattirna min pek tawh ang khan eng angin nge hma kan lak tih kha ka zawhbelhna a ni.

SPEAKER : Pu S. Dinga'n zawt law law sela, tichuan a tawpna ni rawh se aw.

Pu S. LALDINGLIANA : Pu Speaker, ka bial chhung Lunglei S, Hrangchalkawn atanga chhim lampang phei zel, Lawngtlai atanga 30 km leh Khawmawi huam sawn khaw 11 lai a awm ve a. International border phei chu kan nei hran lo nain, Sangau atang hian Thlengang, Mamte kaltlang sawn chhak lam atang hian ram dang mi engemaw zat a khat tawkin an rawn lut ve reng a.

Tin, chumi piahlamah chuan, sawlai chhim tlangdung sawn law & order programme a khat tawkin kan nei ve reng thin a. Chuvang chuan Police Beat Post emaw, Out Post emaw hi kan mamawh em em a. Kan hun hmasa lamah te pawh khan kan Home Minister zahawm tak hi ka ngen tawh

thin a. Lawngtlai lamah harsatna kan tawh apiangin a hnai ber kan ti a, kan va dawr thin a. Amaherawhchu, anni'n, 'kan area a ni lova, kan ti theilo,' an rawn ti a. Hrangchalkawn atanga rawn tih saw a ngai thin a, a buaithlak em em mai a, hetiang a nih avang hian Tawipu S-ah te, Thingfalah te leh khaw danga kan VC te leh khawtlang hruaitute pawhin, in luah tur lo ngaihtuahsak te pawh saw an in huam hle mai a, helai tlangdung pheiah hian khawilai berah emaw hian kan sorkar chak tak hian Police Out post emaw, Beat Post emaw min ngaihtuah sak thei em tiin ka'n zawt a ni. Ka lawm e.

SPEAKER : Zawhna nge ngenna, nakinah Minister hian..... Pu T.T. a.

Pu T.T. ZOTHANSANGA : Pu Speaker, ka lawm e. Ka zawhna chu hei hi a ni. Kum 2007 khan kan sorkar MNF khan Mizoram leh Myanmar inkar hi hung phui tlat turin resolution an siam a, tun sorkar hian Myanmar nena kan inkar ramri hung phui vek turin hmalakna a nei em tih a ni.

SPEAKER : Minister zahawm tak chhang turin sawm tawh ila a tha ang.

Pu R. LALZIRLIANA, MINISTER : Pu Speaker, ka lawm e, member zahawm tak Pu Lalruatkima zawhna neitu zawh belhna kha Home Department lam hian efficiency tha tak an nei a, tuna kan chhanna pawh hi a dik chiah a, a hmaa chhanna pawh kha a dik chiah a. Chuvangin, tunah hi chuan a chhanna lo deuh hlek kha a rawn ti sual palh ni ah ka ngai a. Pem lut a ti a, lo lut ru leh pem lut te ramri, border rawn kan te hi an dang daih a. Sumdawng turte leh engemaw smuggling rawn ti tur te leh suahsual rawn rawt tura rawn lut te khati zat kha kan sorkar, kan police ten an lo man a, kan push back leh thei a ni a, ropui ka ti a, khatiang kha aman min rawn sawi chhuah sak a, a lawmawm ka ti khawp mai, kan efficiency hi tunah chuan a tha tawh in ka hria.

Tin, Silsuri khaw daia BSF-in an lo tihhlum kha keimahni lam chan chiah hi a nih loh ka ring a, Central lam in an pek tur a ni turah ka ngai a. Chuvangin compensation emaw, zangnadawmna lam kha Home Department-in kan pek chu ka la hre lo.

Pu LALRUATKIMA : Pu Speaker, khalai kha sorkar-in kan hre reng em tih kha kan zawh belh.

Pu R. LALZIRLIANA, MINISTER : Sorkar aw kan hria a, tin, khulaiah police lo thi ve pawh kha a pawl kan ti khawp a, amah zawngtu te electric-in a lo man te pawh kha hmanni ah Electric department ka zuk address na ah chuan, 'in inthlahdah zia heta tang hian a lang a ni. Engatinge ramhnuaiyah khatiang pal theih mai tura thil a awm? A pawl ka ti tun hnu ah chuan thleng tawh lo sela,' kan ti a. Chutiang chuan nasa takin khatiang kha a awm tawh loh nan hma lak zel a ni tih ka sawi duh a.

Tin, Mizoram-ah hian Rahangi -ah hian raltlan hi an lo la lut lova, pakhatmah lo lut an la awm lo tih kha ka chhanna a ni a. Chuvangin enkawl dan kha hriat tur pawh a awm chuang lova. Amaherawhchu chutih lai chuan hmanni lawkah khan Myanmar ramri leh kan Mizoram ramri ah hian Arakan army leh Myanmar sipaite an inkap vak mai a, an la inkap deuh reng mai a, chumi a nih avang chuan raltlan lo tlan chhia (raltlante pawh kan ti ve mai thei ang chu) mi 400 lai mai hi sawlai Laitlang leh Hmawngbuchhuah leh Zochachhuah ah te sawn an lo lut a, chu chuan min tibuai ru ve ang reng viau a. International border-a awm kan ni a, keimahni thuneihna tawp ni lem lo hi a awm ve a, India ram leh Myanmar inlaichinna te leh China-in Myanmar a rawn tlawn ve reng a, a rawn bei reng a, a rawn bei ti ila thianah siam a rawn tum a, keinin thianah siam kan tum bawk si a. Lo push back ngawt emaw, engemaw a han tih kha heng ho hi kan unaute an ni ve bawk si a. Chuvangin tunah sawn a theih ang anga lo thlen a ni rih mai a ni.

Chutah chuan hliamte pawh an awm a, mi pathum (3) lai mai Lawngtlai-ah Arakan army-te hi an rawn dah a, pakhat phei chu a serious avangin helam an rawn thlen pui a, Aizawl an rawn phur thleng phei a ni. Kha kha member zahawm tak te information atan ka'n sawi chhuak ve hrim hrim duh a ni e. Ni e, nichinah khan ka sawi tawh a, pem leh hemi lut ru te hi chu a inang lo deuh hlek a, helai zawhna ah hian pem tih a nih avangin kha kha ...

Pu LALRUATKIMA : Pu Speaker, i phal chiah lo na in khalai kha subject dangah kan luh leh hma si khan khawthlang lamah mitharte an ti a, eng tawng nge an hman pawh kan hre lo a, mi tam tak an rawn pem lut a. Chu ang te pawh chu kan sorkarin kan hre lo a nih chuan kan mit a del tihna em ni dawn le? Tin, saw lamah western belt-lam ah, foreigner dan loa rawn pem lut te hi, tunlai kan burning issue a nia, khang zawng zawng kan hre lo a nih chuan engti zia nge ni ta le?

SPEAKER : In duh thawh teh suh u...a thut hunah a tul chu in sawi thei tho a maw.

Pu R. LALZIRLIANA, MINISTER : Pu S. Dinga, member zahawm tak zawhna kha, ni e, kan duh sa reng a ni a, hei hi thil lawmawm tak a ni a, Police-te tun hunah hi chuan hna an thawk tha a. Chuvangin, mipui hian kan ring a, an uapna hnuaia awm hi khawtin hian kan duh tawh niin a lang a, tunhma chuan an duh vak lem lo a ni. Amaherawhchu, tunah hi chuan, 'Out Post emaw, Beat Post emaw min hawn sak rawh u,' tih hi application tam ber te zing ami a ni a, helai hi thil pawimawh tak a ni tih kan hria a, sum leh pai te a ngaih zel avang hian kan la ti hlei thei lo a ni.

Member zahawm tak Pu T.T. Zothansanga zawhna kha kum 2007-ah khan helaiah hian Resolution pass a ni a, Myanmar leh India ram riin Mizoram chhunga kan inrina hi hung ni rawh se tih kha kan pass rup mai a, keini lam kha chuan kha lama kan thut lai khan nasa takin kan tang a, kan unaute nena hetiang ramri siam hi tha lo kan ti a ni. Chuvangin, tun hunah hian hnam dangte pawhin an ramri an lo hung tawh pawh an lo chhut chhiat mek laiin kan unau te nena inthen tura hung hi chu kan remti lo a ni kan ti a. Chuvangin, Governor kal ta (a hming ka hre leh mai ta lo a,) pawh khan a thu sawi tur ah khan a lo telh a, file-ah a lo kal a. Kha kha chu ka lo paih vek a, kei pawhin India ram leh Myanmar Mizoram chhungah hi chuan kan sorkar hi chuan hung kan duh lo a ni kan tih avangin Governor Conference-na a sawi tura a rawn darft a pawh kha kan paih nghe nghe a ni.

Pu LALRUATKIMA : Pu Speaker, dan lovin foreigner ramri kanin mi engemawzat an rawn lut a, a then an rawn pem a, a then chu sumdawnge pawh an ni thei e, kal leh nghal mai, khang zawng zawng kha ka zawhna khan a huamah ka ngai. A chhan chu heta rawn lut an nih avangin dan an bawhchhia a, question neitu ka nih manah ramri kana rawn lut mi engzat nge? (Pu R. Lalzirliana : A chhangtu te hian ani rilru kha kan va hriatpui ve lo va, a ngaihdan ringawt hi chuan a kal theih lova) An in buatsaih tur a ni dawn lawm ni? Khatiang ringawt mai kha chuan he House zahawmna pawh a ti chhia a ni.

SPEAKER : Nakinah kan fimkhur deuh dawn nia....thu tawh rawh le. Pem lut i ti a, kha chu a dang daih mai, kha chu mahni rilru kha a nia.

Pu K. SANGTHUAMA : Pu Speaker, Mizoramah hian heti khawp hian foreigner khawthlang lam atangin an lo lut a, hei hi kan hre theuh a, 1901 atanga vawiin thlenga (Pu P.C. Zoram Sangliana, Zero hour em ni ?) an awm dan kan hria a. Pu Speaker, ka zawt dawn a, zawhna a la khar lova, khata tanga min lo khap kha chu a kawng a ni lova, Speaker phalnain ka zawt ve dawn a ni.

Zawhbelhna, tunah hian kan sorkar hian khawthlang lam atanga foreigner lo lut hi beihpui thlakin zawn chhuah a tum em tih kha kan zawt duh a ni.

Pu LALRUATKIMA : Pu Speaker, ka zawhna kha min la chhang lova, Ministry of Home Affairs-in August ni 8, 2017- a lehkha a rawn pek kha eng angin nge hma a lak tih kha min chhang tel lo e.

SPEAKER : I zawh belhna pawh hi a tam lutuk a maw, ka phal rei em em che a.

SPEAKER : In zawt tawh a nia, mahse, chhang tur an awm chuan a tawpna atan Minister ilo sawm ang.

Pu R. LALZIRLIANA, MINISTER : Pu Speaker, dan lova lo pem lut an awm loh avangin tunah hian chhanna tur kha a awm lova. Chuvangin member zahawm tak Pu K.Sangthuama zawhna pawh kha chhan tur a awm lo.

Pu LALRUATKIMA : Pu Speaker, kan Home Ministry thu leh hla kha lak a ni dawn lawm ni?

SPEAKER : Khai le, zawhna 24-na, zawhna neitu MLA zahawm tak Pu Ngurdingliana ilo sawm ang.

Dr. NGURDINGLIANA : Pu Speaker, ka lawm e. Ka Starred Question No. 24-na School Education Department changtu Minister chhan atan :

- (a) Limited Departmental Examination sorkar school Headmaster post, Primary atanga High School hnawh khah/kaisan tirma dan siam a nih hnu ah exam hi buatsaih a ni tawh em ?
- (b) Sorkar High School-a Science leh Mathematics Teacher lak tura ruahmanna kha peihfel a ni tawh em ?

SPEAKER : Chhang turin School Education Minister Pu H. Rohluna ilo sawm ang.

Pu H. ROHLUNA, MINISTER : Pu Speaker, member zahawm tak Dr. Ngurdingliana zawhna chhanna chu :

- (a) Sorkar hnuaia Primary, Middle leh High School zirtirtute Headmaster post-a an kaisanna tur atana Limited Departmental exam theihna dan siam a nih hnuaia Exam buatsaih a la ni lo.
- (b) Sorkar High School-a Science leh Mathematics Teacher lak tura ruahmanna kha peihfel a la ni lo tih a ni a.

Pu Speaker, House information atan tunah hian Mathematics leh Science zirtirtu atan hian 111 lak tur a ni a. Written exam hi September ni 26 - 28 ah khan neih a ni tawh a, a result hi tun thla ni 8-ah khan tihchhuah a ni a. Tichuan personal interview hi Science atan November ni 20 atanga ni 30 thleng MPSC-in a fixed tawh a. Tichuan Mathematics atan hian December ni 4 atanga ni 7 thleng tur a ni a. Tichuan a post-ah hian Science bikah 64 lak tur a ni a, Mathematics atan 47 lak tur a ni.

SPEAKER : Zawhbelhna.

Dr. NGURDINGLIANA : Pu Deputy Speaker, zawhbelhna Zirnaah hian mimal taka ka vei a ni bawk a, ka zawt ngun khawp mai a, tun March session-ah pawh khan hei hi ka zawt tawh a. Limited Departmental Exam bakah hian 50% chin kha seniority a ni a. Ka duh ai chuan hei chumuang ka va ti e! Zirnaah tan kan la a, Education Defense Commission te pawh kan ti a, a tuartu, a zirtu chu thuhra kan ni zel si a. Chuvangin hei hi tun aiin engtinngan kan tih theih ang? 50% seniority kan tih chuan ti vat sela. Limited Departmental Exam pawh hi engatinge exam buatsaih a har viau? Engatinge Mathematics leh Science an ngaihsak a, a lawmawm a, action taken ah hian tun hnu ah chuan zirna bik a ni a, hriselna te, zirna te priority a awm a, chuvang chuan tun achinah chuan ka sawi leh tur pawh ni se, thahnemngaihnaah kan ngen nawn leh a ni.

SPEAKER : Zawhbelhna Pu Dinga.

Pu S. LALDINGLIANA : Pu Speaker, tunhnaiah khan ka bial chung Vaisam RMSA zirtirtu Headmaster chawpin ban vek an ni a. Hei hi an aiawh hi rang taka dah leh theih a ni em tih ka zawt e.

SPEAKER : Khai le, Minister zahawm tak chhang turin ilo sawm ang.

Pu H. ROHLUNA, MINISTER : Pu Speaker, zawhna neitu member zahawm tak Dr. Ngurdingliana zawhbelhna leh a rawn sawi belh kha, dikna chin a awm a. Amaherawhchu, hetah hian vacancy kan neih ang ang hi vacancy period a Recruitment Rule ang zela tih a ngaih avangin a buathlak a, keini pawh kan hmanhmawh khawp mai a. Headmaster post ruak te hi kum engemaw zat kaltaa ruak te an ni hlawm a. Tichuan Supreme Court judgement schedule of appeal no. 6587 kum 2003 ami ni 31.3.2011 ami ah khan post ruak hnawhkhah tur te hi a post ruah laia R.R. (Recruitment Rules) awm anga tih kha a ngai a. Chuvang chuan Recruitment Rules thar kan neih hmaa post vacant awm ho hi khatih laia seniority-a fill up vek tur tih a nih laia Recruitment Rules awm ang khan tih a tul avangin kan duh angin kan kal thei ta mai lova. Chuvangin R.R. thar kan neih hnu ah LDE (Limited Department Exam) angin kan kalpui thei mai lova. Headmaster post hi High School bikah hian vacancy 62 kan nei a. Seniority-a hnawhkhah turin tunah hian 44 process mek a ni a. MPSC a la thleng lo deuh a, a thleng tep tawh a. A bak 18 erawh hi chu LDE-a hnawhkhah tur a ni tawh ang a.

Tichuan Middle School bikah hian vacancy 87 kan nei a. Chutah chuan 60 hi seniority in tun ni 8 khan kan hnawhkhat fel a. offer of appointment leh posting. Tichuan tuna 27 hnawhkhah bang la awm hi Limited Departmental Exam a hnawhkhah tur a ni ang a.

Government Primary School Headmaster-ah hian 147 vacancy kan nei a, 110 hi tun November ni 24-ah hian DPC an thu ang a, seniority-a hnawhkhat turin leh a bak 37 erawh hi chu LDE-a hnawhkhah tur a ni tawh ang a. Chuvang chuan kan duh angin kan kal chak mai thei lova, tuna phalna kan neihsa seniority a, a ruah hun laia RR milin hnawhkhat turin a chak thei ang berin hma kan han la a. A bak erawh hi chu LDE-in kan kalpui thei tawh ang tih kan beisei a ni.

Tichuan Vaisam RMSA Secondary School-a post ruak chungchang member zahawm tak Pu S.Laldingliana zawhna kha - Anni hi a thawktute an thawh that loh avang leh an awmna hmuna an awm that loh avangin terminate an ni a. Hei hi a rang thei anga hnawh khat turin a department-in hma kan la mek a ni tih kha ka chhanna a ni.

SPEAKER : Awle, zawhna dang 25-na kan kal thei ta a, zawhna neitu Pu Lalthanliana zawt turin ilo sawm ang.

Pu LALTHANLIANA : Pu Speaker, ka lawm e. Transport Department Minister zahawm tak chhan atan ka zawhna chu:

- (a) Sorkarin Two Wheeler Taxi permit engzatnge a pek chhuah tawh?
- (b) Pek belh zel tumna a nei em ?

SPEAKER : Hei hi Transport Minister zahawm tak a awm lova, kan House Leader bawkin a chhang ang a, zawh belhna a awm thei lo a nih kha. Leader of the House Pu Lal Thanhawla ilo sawm ang.

Pu LAL THANHAWLA, CHIEF MINISTER : Pu Lalthanliana, member zahawm tak zawhna – sorkarin two wheeler taxi permit engzat nge a pek chhuah tawh tih kha, November 6, 2017 thleng khan sorkarin two wheeler taxi permit 398 a pe chhuak tawh a ni. Pek belh zel tumna a nei em tih hi sorkarin a tul dan azirin a ngaihtuah ang tih a ni a. Pu Speaker, hetiang public transport hi bus a ni emaw, taxi a ni emaw, two wheeler taxi a ni emaw, taxi te a tlangpuiin commuters, a hmang duhtute population atanga chhut a ni thin a ni, ram changkangah chuan, India ramah pawh. Amaherawhchu, hun hmasa lam atang khan taxi te hi a tam em em mai a. Tuna taxi, Aizawl khaw chhunga awm hi a chanve hi awm ta lo sela (kan population basis in) a tawh chauh ang em aw tih hi ngaihtuah theih a ni. Chutiang chu a awm dan a ni a.

Tichuan two wheeler taxi pawh hi news exam te kan neih avangin hmanni deuhah khan rawn dil an tam avangin, engtia tih tur nge tiin ka va zawt a. 'Department-in kalphung pangngai tak in nei em?' tiin ka va zawt a. An lo nei chiah lova. Chuvangin, Aizawl khawpui bik atan phei chuan population atanga ngaihtuahin two wheeler taxi hi la pek belh zel tur nge? Engtia tih tur nge? Lo chhut teh u, tiin department hotute ka hrilh a.

Chutiang bawkin District Headquarters-ah te pawh kan mamawh bak a awm chuan a neitute tan eizawna kha a harsa thei bawh a. Tin, mamawh bak kha chu kan mamawh bawh si lova. Tin, kan kawng te zauh ngaihna a awm tawh lova. Chungte avang chuan harsatna a thlen theih avangin policy mumal tak nein, population, a commuters te chhutin ngaihtuahna lo siam ru tiin kan inhrilh a ni.

SPEAKER : Nakin zel atan, Minister te an awm loh hian an aiawhtu tur in-charge kha pek a ni thin a. Khami te khan an ai an awm mai. Speaker

atanging hriattirna hranpa kha a awm lova. Kha kha, nakin zel atan a awm lo a khan ani hi ka aiawhin a chhang ang tih kha an in hrih tawh mai tur a ni.

Pu VANLALZAWMA : Pu Speaker, tah khan kalphung mumal tak kan nei lo em ni?

SPEAKER : Eng a?

Pu VANLALZAWMA : Tuna i sawi lai takah khan kalphung mumal tak hi a awm hrim hrim lo em ni? Engatinge a va buai teh nuaih ve.

SPEAKER : Mumal tak chu awm e. Chu kalphung mumal tak chu Minister in a awm dawn loh chuan, 'ka awm loh hlanin hemi hian ka ai a lo awh ang', tih kha in-charge an in pe vek a, kha khan ai a awh rih mai ang, session lai pawhin.

Pu VANLALZAWMA : Chutiang chuan a pe lo tihna em ni?

SPEAKER : A pe aniang chu, a chhang alawm kha. Aw, zawhna 26-na kan kal thei a, a neitu Dr K. Beichhua zawt turin i sawm ang.

Dr. K BEICHHUA : Pu Speaker, ka lawm e. Taxation Department changtu Minister zahawm tak hnena ka zawhna chu :

- a) Mizoram sorkar hnuaiah kum 2013 atanga vawiin thleng Mizoroma thawktu company/mimal chhiah Value Added Tax (VAT) awl tir an awm em? Awm ta se, mi engzat nge?
- b) Kum 2012-2017 chhungin VAT chhiah awl dil firm engzat nge awm? An dil ang hian tih hlawhtlin sak an ni em?
- c) VAT chhiah awl firm hming leh an chhiah awl zat? Engtikah nge chhiah awl phalna hi pek an nih?
- d) Engvanga chhiah awl phalsak nge an nih?

Pu Lalruatkima, MLA zahawm tak nena kan zawhna intawm a ni e.

SPEAKER : Intawm a ni a. Tunah Pu Lalsawta, Finance Minister zahawm tak chhang turin sawm ang.

Pu LALSAWTA, MINISTER : Pu Speaker, member zahawm tak, Dr K. Beichhua leh Pu Lalruatkima te zawhna :

- a) Mizoram sorkar hnuaiah kum 2013 atanga vawiin thlenga Mizorama thawktu company / mimal chhiah Value Added Tax (VAT) awl tir an awm em? Awm ta se, mi engzat nge tih chhanna chu-

Awm e, tih a ni a. Chumi chhunzawmna chu kum 2013 atanga vawiin ni thleng Mizorama thawktu company te emaw, mimal te emaw, chhiah, Value Added Tax (VAT) awltir hi 6 an awm a. Nakinah a copy in dawn hunah 3 tih kha khawngaih takin 6 tiin min lo correct sak ula.

SPEAKER : Chhang zo rawh se aw. Zawhna hun chu a tawp a. Mahse chhan zawhtir lawk ang.

Pu LALSAWTA, FINANCE MINISTER :

- b) Kum 2012-2017 chhungin VAT chhiah awl dil firm engzat nge awm? An dil ang hian tih hlawh tlinsak an ni em tih chhanna chu:
Kum 2012-2017 chhungin VAT chhiah awl dil firm 15 an awm a. An dil ang hian tih hlawhtlin sak vek an ni lova. Amaherawhchu mimal emaw, company emaw, firm, khatiang kha 6 ah erawh chuan chhiah awltir an ni.

- c) VAT chhiah awl firm hming leh an chhiah awl zat? Engtikah nge chhiah awl phalna hi pek an nih tih chhanna chu heting hi a ni-

Heng a hnuaia tarlan mimal emaw, firm emaw, company te hnenah hian Mizoram sorkar chuan VAT awl phalna a pe a ni :

- i) Kum 2012-2013 financial year chhung khan Champhai Grape Growers Society, Champhai, VAT awl zat chu 13.5% niin ₹1,53,000.75 a ni. Exemption pekna lehkha No. chu J.19012/2/05-Tax : dt.18th May, 2012 a ni.
- ii) Kum 2012-2013 chhung bawkin Hnahlan Grape Growers Society, Hnahlan, VAT awl zat chu 13.5% niin ₹12,21,7335.00 a ni. Exemption pekna lehkha No. chu J.19012/2/05 Tax : dt.18th May,2012 a ni.
- iii) Kum 2012-2013 chhung khan Greater Khawzawl Water Supply Scheme under PHE Department chu VAT ₹4,53,097 awltir a ni. Exemption pekna lehkha No. chu J.11020/1/2012-TAX : dt.13th December,2013 a ni.
- iv) Kum 2015-2016 khan Rajiv Awas Yojana (RAY) Pilot Project Schemes, UD & PA Department, Mizoram chu 4% of VAT i.e. ₹7,34,600 awltir a ni. Exemption pekna lehkha No. chu J.11015/1/05-TAX : dt.24th October, 2016 a ni.

Tin, kha mi kum piah lampang finanacial year-ah kum 2016-2017 ah hian Rural Electricity Distribution Backbone (REDB), Power & Electricity Department hnuai ami chu VAT 4% awl tir niin ₹ 2,93,46,920 awl tir an ni a, he project cost hi ₹ 73,36,73,000/- a ni. VAT awl tirna lehkha No. chu I.D. No. J.19013/105-TAX : dt 6th January, 2017 a ni.

Tin, hemi kum vek 2016-2017 financial year chhung in North East Consultancy Services(NECS) chu VAT ₹ 1,26,63,418/- hi awl tir a ni a. VAT awl tirna lehkha No. chu I.D. No.J.19012/2/09-TAX/Pt-I :dt.16th March,2017 a ni.

(d) Engvanga chhiah awl phalsak nge an nih tih chhanna chu Pu Speaker, Section 47 of the "Mizoram Value Added Tax Act, 2005" tlawhchhanin exemption hi pek an ni a. Phalsak an nih chhan chu sorkar-ah VAT petu tur company emaw, department emaw ten VAT awl an rawn dil a, sorkarin a ngaihtuah chian hnu ah VAT awltir hi phalsak chi nia a hriat avangin a phalsak ta a ni. Pu Speaker, khawngaih takin helaiah hian zawhbelhna a awm tawh chuang lo na in sawifiah ngai awmin ka hria a, kan sawifiah lawk ang a.

Chhiah petu hi a tlangpuiin a leitu emaw, service hmangtu emaw hi an ni thin a, chuvangin deapartment ten 'Hetiang hi kan lei dawn a, a chhiah hi min awl tir rawh u' an rawn tih hian, kan han ngaihtuah thin a, kan ngaihtuah chuan a chhiah pek tur kha department-in pe dawn se sorkar tho in anmahni kha pawisa pek a ngai a. Taxation-ah an chhung lut a, a kawng kha a hran deuh a ni mai a. Chuvang chuan chhiah pek reng reng hi a leitu emaw, a hmangtu emaw in an pek thin avangin a company- ah nilo in, a company-in an dil a ngailo a, chuvang chuan a chhiah petu tur department UD&PA te, Power & Electricity Department ten hetiang hi kan mamawh a, khawngaih takin chhiah min awl tir rawh u an tih hian, mahni leh mahni a official paper red tape tam tak han buaipui tul lo a kan hriat avangin department-ah khan anmahnin lo pe pawh ni se sorkar atang thoa an pek tur kha pek leh thin a ngaih tho avangin, hetiang hian chhiah awl tir hi uluk taka kan ngaihtuah hnu ah kan ti thin a. Chutiang lo deuha kan pek pakhat a awm a, grape chingtute hian grape an ching a, sorkar programme a ni a. An hlawhtling thui viau a, amaherawhchu, an hlawhtlinna an tum anga a lo tlun tak loh ah khan, 'Chhiah hi min awl tir mai teh u khai, hetiang hi kan ni e' an ti a, chuvang chuan sorkarin chhiah kan awl tir ta a.

Tin, NECS kan tih North East Consultancy Services kan tih hian a rawn dil ve a, a rawn dil chhan ah hian 'football-ah hian Mizoram hi khawvelah kan lang ve thei tak tak dawn a, India ramah pawh kan lang pha

dawnin a lang a. Chuvangin I League-ah te pawh kan champion theih kan in beisei a, anni hi NECS hian tanpui kan chak a, kan tanpui theih dawn chuan 'kan chhiah pek tur cheng nuai za sawmhnih paruk chuang hi anhmahni hi a bo a bang awm lo in kan pe fai vek ang a, chutiang chuan he chhiah hi min awl tir rawh u,' tiin an rawn dil a. Kan Chief Minister te leh kan Minister senior dang te nen kan han ngaihtuah a, Mizo te kan hmingthatna a lan chhuah ve theihna hi a remchang khawp mai, midang ah chuan kan ti ngai zen zen lo a, hei hi indirect tax ang a ni tak na in, direct tax ang chiah a ni a.

"Aizawl Football Club ah khan pe ta lo se kan hnena lut tur a ni a, kan hnena lut tur hi kan hnena lut loin AFC-ah an pek fai vek dawn chuan an pek leh kan pek hi a inang reng tho alawm, a tanpuitu dik tak phei chu keimahni sorkar ber zawk hi kan lo nih hi a", tiin NECS-ah hian cheng nuai za sawmhnih paruk chuang hret hi chhiah kan awl tir a ni. Firm dangte pawhin an rawn dil a, mahse anni khan hetiang tak hian "Chutiang chu kan puih duh avangin," an tih lem loh avangin firm dangte leh mi pakua kha kan ngaihtuah ta lo a ni. Pu Speaker ka lawm e.

SPEAKER : Awle, tunah chuan result puanna kan nei ang a, Election to Committee on Local Fund Accounts kha nimirah thlanna rawt a ni a, dar thum thleng kha nomination file hun a ni a, dar thum thleng khan mi pasarih chauh in nomination an file a, midangin an file ve loh avangin a file a te chu thlan tlin an ni tih kan puang ang e. Chung te chu : Pu T.T. Zothansanga, Pu H. Zothangliana, Pu K. Lalrinthanga, Lt.Col.Z.S. Zuala, Pu Vanlalzawma, Er. Lalrinawma, Pu Lalthanliana te an ni.

Chutiang bawh chuan Committee on Public Undertakings-ah khan nomination file-na hun dar thum thleng khan hawn a ni a, mi pahnih chauhin an file avangin chuhtu awm lo a hengte hi thlan tlin an ni tih ka puang bawh a ni. Pu Lalruatkima, Pu Joseph Lalhimpua. Heng mi te hi Committee on Public Undertakings member an ni dawn a ni. Tunah chuan Laying of Papers-ah kan kal ang a.

Pu K. SANGTHUAMA : Pu Speaker, khawngaih takin, nimirah lama kan zawhna chhanna kha nidang chuan min pe ziah a, pek kan ni ta lo hi engnge a chhan ni aw? Kan zawhna chhanna kha fel takin in lamah min rawn pe thin a, nizan kha chu a lo thleng miah lo mai a.

SPEAKER : Tunah chuan Pu R.Lalzirlana Home Minister zahawm tak paper lay turin i sawm ang.

Pu R. LALZIRLIANA, MINISTER : Pu Speaker, ka lawm e. Nimirah lama Er. Lalrinawma zawhna kan chhanna MGNREGA chungchang

unstarred question No. 2 na ballot No. 2 kha kha tihsual a lo awm a, correction kan rawn dil a, min phalsak avangin a correction paper chu helai table-ah hian kan rawn dah leh e.

SPEAKER : Tunah Pu H.Rohluna, Minister zahawm tak sawm leh ila, lay turin.

Pu H.ROHLUNA, MINISTER : Pu Speaker, i phalna leh he House zahawm tak remtihna in "The Mizoram Building and other Construction Workers (Regulation of Employment and Conditions of Service) (Amendment) Rules, 2017" hi he House zahawm takah hian ka rawn lay e.

SPEAKER : A copy kha sem leh ni se. Awle, tunah chuan Minister zahawm tak Pu P.C.Lalthanliana Paper lay turin sawm leh ila.

Pu P.C.LALTHANLIANA, MINISTER : Pu Speaker, i remtihna leh he House phalna in heng :

- (1) Annual Report of Persons with Disabilities 2015-2016
- (2) The Mizoram Village (Sanitation) Rules, 2017
- (3) The Mizoram State Commission for Protection of Child Rights Rules, 2017 te hi he House-ah ka rawn lay e.

SPEAKER : A copy kha han sem leh rawh u. Awle, tunah chuan Minister zahawm tak Pu Lal Thanzara Paper lay turin sawm ang.

Pu LAL THANZARA, MINISTER : Pu Speaker, i phalna leh he House zahawm tak remtihna in "Right to Information Act, 2005 Annual Report 2016-2017" chu he House zahawm takah hian ka rawn lay e.

SPEAKER : A copy kha sem leh ni se. Tunah Pu P.C.Zoram Sangliana, MLA zahawm tak sawm leh ila.

Pu P.C.ZORAM SANGLIANA : Pu Speaker, i remtihna leh Estimate Committee-in min authorized angin Statement on Action Taken on the further recommendations of Committee on Estimates contained in the Sixth Report, 2017 relating to Commerce and Industries Department (Bamboo Development Agency) chu he House zahawm tak Table-ah hian ka rawn lay a. Heta statement a lang chu Commerce & Industries Department hian Bamboo Chipping Units te grant-in-aid loan anga dik lo taka pek chu chinfel sak na report a ni e. Ka lawm e.

SPEAKER : A copy kha sem leh ni se. Copy sem tur te kan ngah viau a, lawm ila. Kan Committee member te taimak zia, thawhrim zia tih lanna a ni a. Chhiar pawh tum ila a tha ang e, a then chuan kan chhiar lem lo thin a.

Tunah chuan Presentation of Reports-ah kan kal ang a, Pu P.C.Zoram Sangliana bawh Chairman a nihna angin present leh turin sawm ila. Kan tisual a ni, Pu T.Sangkunga zawh sawm ila.

Pu T.SANGKUNGA : Pu Speaker, i phalna leh he House zahawm tak remtihna leh Pu John Siamkunga, kan Chairman in min authorized angin he - Statement of Action Taken by the Government against Committee on Local Fund Accounts (COLFA) further recommendation contained in the Fourth Report on Technical inspection Report on Urban Local Body and Rural Local Bodies for the year 2013-2014 relating to Urban Development and Poverty Alleviation Department hi he House zahawm takah hian ka rawn lay e.

Committee on Local Fund Account-ah hian kan Chairman Pu John Siamkunga a ni a. A zin bo avangin i phalna leh he House phalnain a aiawh in ka rawn lay a ni, ka lawm e.

SPEAKER : A copy sem leh ni se. Awle, tunah Presentation of Reports-ah kan kal ang a. Pu P.C. Zoram Sangliana, Chairman, Subject Committee-I i sawm ang.

Pu P.C.ZORAM SANGLIANA : Pu Speaker, i phalna leh he House zahawm tak remtihna in border fencing chungchanga the first Report of Subject Committee I relating to Home Department hi House-ah ka rawn present a.

Subject Committee I - ah hian Chairman bakah member 6 - Pu Nihar Kanti Chakma, Pu John Siamkunga, Pu Vanlalzawma, Pu T.Sangkunga, Pu Lalruatkima leh Pu S.Laldingliana te kan ni a. Border fencing hna hi kum 2005-2006 chhoa thawh tan kha niin agency 3 - National Building Construction Corporation Limited (NBCC), National Project Construction Corporation Limited (NPCC) leh Engineering Projects, India Limited (EPIL) te leh anni bakah hian BRO nen ramri kawng laih hna pawh thawh niin border fencing fund hi Ministry of Home Affairs chuan heng executive agency te hnenah hian direct-in a pe a ni.

Chutihlaiin he fencing hna concerned department (Home) chu engmah hrilhhriat ni lovin hnathawh tan ni leh thawh dan pawh hun rei tak chungh chu record mumal nei lovin an awm reng a. Hei vang hian Mizoram

khawchhung, khaw 10 chuang chu fence pawnah hian hung niin, a dang khaw 10 pawh an khaw lai takah te hung phel a ni bawh a. Mizoram khawthlang lam dung tluan hian ram zau tak kan chan niin Committee chuan a hriat bakah a thawktute hian Indo-Bangladesh border guidelines 1975-in a phut anga ramri atanga 150 yards leh hmun remlo laiah chuan 50 yards thlenga hung tura a tih lain 3 kms-ah te an hung a ni tih hi thil diklo leh serious takah Committee chuan a ngai a.

Subject I Committee chuan hei hi a ngai pawimawh in Home Minister leh department official te bakah Mizoram Home Minister, BSF, a concerned MLA te leh DC te nen pawh inkawm hona neiin, central-a Union Home Minister Mizoram-a lo kal leh Delhi hmunah pawh MoS for Home Affairs hnenah Memorandum thehluh a lo ni tawh nghe nghe a. Tin, Indo-Bangla border fencing in a effect, heng state dang Meghalaya, Assam leh West Bengal te heng fencing hna an kalpui dan te a hmunah tlawhin kan zirchiang bawh a. Heng state te tlawhna atang hian Committee chuan rawtna engemaw zat he report-ah hian a rawn siam a. Chung te chu report pherk tawp berah hian 'summary and recommendations' tia rawn dah chhuah a ni a, a tlangpuiin han tarlang ila :

1. Ramri hung hna thlilaitu mumal awm loa agency ten an lo thawk mawp mawp ringawt mai hi kan ram kan chan phah nasa hle in Committee chuan a ngai a, hun lo kal leh zel ah chuan uluk taka ena kalpui tawh ni se.
2. Border Fencing Project a tel angin, ramri ah hian kawngpui tha neih theih ni se, state danga an tih angin fencing hian khua a sut dawn apiangin helin a ai ah flood light tha tak siam ni se.
3. Border fencing vanga mipui te tawrhna hrang hrang ram, in leh lo chhia, zangnadawmna leh resettlement a pacakge awm thei anga pek ni se.
4. Border area-ah hian inbiak pawhna ala that tawh loh em avangin tualchhung ami te mai ni lo, hnathawktute leh ramri vengtute, sipai te pawhin harsatna an tawh nasa em em a, he harsatna hi chin fel sak theih ni se a duhawm hle a ni.
5. Border fencing-in a nghawng state dangten an tih angin, ramria thalai te, a bikin kan nula te a tam thei ang ber hriatthiamna thui tak neiin ramri vengtu atan lak ni se tih hi kan recommend-na ah hian kan telh a. A chhan chu hei hi a pawimawhzia a lanna chu tunhnai lawkah 31st August, 2017 khan Supreme Court pawhin hemi atan hian appointed committee a din a, hemi Indo- Bangladesh ramri chungchangah hian. Pu A.K Malhotra, IAS Retd kaihruaina hnuaia, Supreme Court meuh pawhin a din tawh a ni a, chuvangchuan hemi Committee hian summary of recommendation-ah hian heng hi kan han telh a ni tih kan han tarlang tel a ni e. Ka lawm e.

SPEAKER : Kan chhiar peih loh a hlau aniang, min hrilh a, a lawmawm e. A dawt lehah Pu Lalrinliana Sailo, Chiarman, (a copy kha sem ni

se. A chhiar chhuah tawh kha kan sem tawh emaw kan ti palh ang e) Committee on Public Undertakings tunah paper present turin ilo sawm ang.

Pu LALRINLIANA SAILO : Pu Speaker ka lawm e. I phalna leh he House zahawm tak remtihna he, " Eight Report of Committee on Public Undertakings on Action taken by the Government against the recommendations contained in the Seventh Report of Committee on Public Undertakings relating to Mizoram Agriculture Marketing Corporation Limited (MAMCO) under Commerce and Industries Department," hi ka rawn present e.

Pu Speaker, tawite han ti ve ila. Kan committee te hi Pu Lalrinmawia Ralte, Pu Vanlalzawma, Pu R.L. Pianmawia leh Pu S.Laldingliana te an ni a, tunah mai khan member zahawm tak pahni min rawn dah belh a, Pu Joseph Lalhimpua leh Pu Lalruatkima te. Tunah hian Pathianin rem a tih chuan Bangladesh trip kan nei dawn a, central-in min rawn phalsak a, kar leh Monday hian kan kal dawn a ni. Tuna hriat danin Mizoramah hian company product tam tak hi Mizoramah hian kan eiin kan in a. Tin, keini lam atang chuan zuk hralh chhuah emaw leh kan thar chuahte zuk hralh chhuahna kan nei ve reng reng si lo a, hetiangte hi a tih theih ang em tih leh a bartar zawng pawhin tih dan a awm mai em tih te zuk zir a, studies zuk nei tur kan ni a. Pu Speaker, a awm lo em ka hre lo a, tuna kan member thar zahawm tak te hi a bikin Pu Joseph Lalhimpua te pawh hmanni ah, 'kal ve dan a awm ang em le, private in,' ti a rawn sawi a ni a, vanneihthlak takin member thar a ni a, hun a chep deuh hlek tawh na in process leh ta zung zung ila, a tul chuan kei pawh zuk tlan thla mai ila, Lunglei lam concern a ni tlat mai a, member zahawm tak Pu Dinga hi a hriselnain tunah tlemin a permit loh deuh hlek avangin Tlabung bul thleng lo kal chho tur kan ni a. Kan member pahni te hi min phalsak leh tai la, rawn process leh zeuh ila, bei nge sei run dung tiin a bawhzui pawh kan inhuam thu ka rawn sawi a ni e. Ka lawm e.

SPEAKER : A copy kha sem ni se. Awle, tunah chuan Pu T.Sangkunga, Committee on Local Fund Accounts Chairman aiawhin present turin i sawm ang.

Pu T.SANGKUNGA : Pu Speaker, i phalna leh he House zahawm tak remtihna leh Pu John Siamkunga, kan Chairman-in min authorized angin 13th Finance Commission sum hmuh atanga V.C te hnathawh chungchangah Committee-in thil hmuh leh rawtna a siam, Fifth Report on Annual Technical Inspection Report on Urban Local Body and Rural Local Bodies for the year 2013 -2014 relating to Local Administration Department hi he House-ah hian ka rawn present e.

Committee on Local Accounts-ah hian ka sawi ang khan Pu John Siamkunga kan chairman zahawm tak hi hmun dangah zin a tul avangin a awm lo a, member te chu - Pu Vanlalawma, Pu T.Sangkunga, Pu Lalthanliana, Pu R.Vanlalvena leh Er. Lalrinawma te kan ni a. Kan hriat angin 13th Finance Commission khan direct-in kan Village Council ah pawisa a rawn pe a, hna an thawh tur pawh kha anmahni in an insiam a, advance-in pawisa an draw thin bawh si a, hman dik a har em em a ni. Chuvangin Committee te an hah em em a, District zawng zawngah zin kualin V/C te hnathawh kan en a. Hmun thenkhatah chuan step remna turte kha sorkar thuneitute phalna la lo khan an duhna hmunah te an lo sawn tawp a. Tin, solar light te pawh kha, 'helai hi a remchang zawk e,' tiin a dahna an lo sawn ve mai chang a awm bawh a. Chungah chuan COLFA hian, 'expo - facto permission la leh vek rawh u,' tiin kan hrilh a. Tichuan sorkarah phalna an dil a, an la leh a. Tin, an account vawn dan leh a hmanna tur loa an hman te ti fel leh turin zirtirna a department leh a Village Council concerned te Committee hian a pe a. Tin, step lo rem tawi lutuk deuh te kha, 'hei chu rem belh leh rawh u,' kan ti a, tha takin an rem belh leh a. Ram tan he 13th Finance Commission-in pawisa a rawn award, hman dik chungchangah leh tuna pawisa an dawn belh leh te pawh hi a department leh Village Council ten an fimkhur phah nasa in kan hria a. Step rem tur te pawh an rem hma in an rem chen tur te engineer ten an teh ta deuh vek a, chuti lo chuan pawisa hi an pe mai mai ta lo a. V.C te pawhin, 'KOLFA ho an lo kal leh ang a an awih leh lo ang,' an ti a, hmun tam takah Committee-in titi kan hriat hi kan lawm khawp a, ram tan he Committee hian nasa takin hna a thawk niin kan hria. Ka lawm e.

SPEAKER : Copy kha kan in nei daihlo hlek a, nakinah kan rawn pe leh mai ang che u. Khawngaihin min ngaithiam ula.

Tunah Pu R.Vanlalvena Chairman, Subject Committee-III present turin i sawm leh ang.

Pu R.VANLALVENA : Pu Speaker, ka lawm e, i phalna leh he House zahawm tak remtihna in Subject Committee-III Chairman ka nihna leh Committee member ten min authorise angin paper panga (5) lai mai he House-ah hian ka rawn present dawn a. Chungte chu:

1. 14th Report on Action Taken by the Govt. on the Recommendations contained in the 7th Report of Subject Committee-III relating to Ayurveda, Yoga & Naturopathy, Unani, Sidha and Homoeopathy (AYUSH) under Health & Family Welfare Department.
2. 15th Report on Action Taken by the Govt. on the Recommendations contained in the 8th Report of Subject Committee-III relating to

Mizoram Health Care Scheme (MHCS) under Health & Family Welfare Department.

3. 16th Report on Action Taken by the Govt. on the Recommendations contained in the 12th Report of Subject Committee-III relating to Horticulture Mission for North East & Himalayan States (HMNEH)/ Mission for Integrated Development of Horticulture (MIDH) under Horticulture Department.
4. 17th Report on Action Taken by the Govt. on the Recommendations contained in the 10th Report of Subject Committee-III relating to National Mission on Medicinal Plant (NMMP) under Horticulture Department.
5. 19th Report on Action Taken by the Govt. on the Recommendations contained in the 13th Report of Subject Committee-III relating to Rashtriya Krishi Vikas Yojana (RKVY) Stream-I and National Vegetable Initiative for Urban Clusters (NVIUC) under Horticulture Department. Ka lawm e.

SPEAKER : Awle, a copy te sem leh ni se.

Tunah chuan Legislative Business-ah kan kal thei ta e. Kan Minister zahawm tak Pu R.Romawia'n 'The Mizoram State Higher Education Council Bill, 2017' hi he House-a introduce phalna rawn dil sela.

Pu R.ROMAWIA, MINISTER : Pu Speaker, "The Mizoram State Higher Education Council Bill, 2017", hi he House zahawm takah hian introduce phalna ka rawn dil e.

SPEAKER : Kan phal maw? Phal chuan rawn introduce sela. Sawiho atan rawn move nghal mai se a tha ang e.

Pu R.ROMAWIA, MINISTER : Pu Speaker, ka lawm e.

He Bill hi Bill thar a ni a. Keini House-ah hian he Bill hi kan sawiho hmasakna tur a ni a. Amendment lampang chu a la hla hle a. Amaherawhchu chuti chung chuan sawi tur hi a tam a, sawi fiah thei ber tur pawh ka ni kher lo mai thei a, mahse ka han sawi ang a.

Vanduaithlak takin kan Secretary te, kan Addl. Secretary te an thu lo va. Min pui tur an thu lo va, hetah hian lo thu rawh se. Sawti lamah saw chuan kan Director te chu an thu tha a.

Pu Speaker, min lo hrethiam mai rawh aw. (Speaker: Aw, Higher Technical kha a ni tlat amaw)

Pu Speaker, ka lawm e. Heti lam a ruak tho tho a. Heti lam hi Secretary ho thutna atan deuh kan ti thin a. Sawti lam saw Director lam deuh a nih thin avang in. Mahse kan buaipui tam tak hi Secretary lam ai hian Director lam hi a buaipuitu an ni a, dan te pawh hi. An chiang zawk fo si a, thil han inrawlrak deuh zeuh zeuh tul ah pawh.

Pu Speaker, National Education Policy hi 1986 khan siam a ni a. Chumia an siam ah chuan kan hriat theuh angin India Constitution kan en chuan Education hi, Higher Education te pawh, Education hrim hrim hi Concurrent List, kan chan dun list a ni a. Central List emaw, State List emaw te ang hian ni lovin Concurrent List a ni a. Chuvangin India ram education hian khawvel dang education hi han pha ve se tih duhthawhna lian tak a awm avangin National Education Policy hi 1986 khan siam a ni a.

Tin, central lam atanga chanvo lawk tak tak kha a awm thin a. University Grants Commission te leh technical-ah pawh All India Technical Education Council te a awm a. Tin, zirtirtu training chungchangah te pawh National Teacher Education Council hi khami training chungchang bik buaipui tur te a awm a ni.

Amaherawhchu, state te kan lo changkang ve a, Education hi Concurrent List a ni baw a. State changkang tak tak chuan anmahni state enkawl University te hi an mamawhna a lian em em a. Chutiang chuan University tha tak tak te pawh an nei a ni. Tin, Mizoram ngei ah pawh hian kan hria a, University an rawn din dawn pawhin he kan House phalna hi a ngai a. ICFAI University te pawh he kan House phalna ngeiin Mizoram-ah din a lo ni a.

Chutiang chuan IGNOU kan ti emaw, tin, hetilaia tun kan term chhung mai pawh hian University rawn din chak hi tam tak an lo kal a ni. Amaherawhchu, kan hotuten ngun taka an ngaihtuah hian quality education pe pha lo University, a hminga degree pe ve mai chi si kha kan ramah an awm vak ang a, mi nuihzat kan hlawh palh ang tih hlauvin a rawn diltu tam tak te uluk taka an hmunpui lam te zuk fiah hnu ah khan he House-ah hian khang ang Bill kha kan rawn pulut thleng duh ta lo hlawm a. Khatiang kha tam tak an awm a ni.

State changkangah erawh chuan anmahni state ten sum an nei baw a. Tin, education hi sum hmuhna hnar tha tak a ni baw a, investment ropui tak a nih tel avangin state pakhatat pawh University engemawzat an nei a ni. Chung ang ho zawng zawng te leh UGC, khutlaia central-a University Grants Commission lam atanga sum khu a central ta riau a. Chutiang ni lo

chuan ngaihtuahna thar neiin education lama kan intlansiakna atan leh quality education kan inpek nan zau zawkin tiin National Education Policy kha 1986-ah duang chhuakin chutiang chuan state-ah pawh hian hetiang tur hian Committee sang tak awm sela, State Higher Education Council hi awm sela, Chief Minister-in ho ngei sela. Chutiang a nih loh pawhin educationist ropui, world renowned te pawhin kha State Higher Education Council kha ho sela tiin an ngaihtuahna chhungril tak ni awma lang pheih chu Concurrent List a nih ang khan central lam leh state lam pawha competition a chhoh zel nan, India education a invawrh chhoh zel nan tihte pawh ni awm tak a ni a. Chutiang chuan chumi ngaihtuahna eng atang chuan state tam takte khan anmahni University lo nei mah sela, college te lo nei mah sela, harsatna an lo tawh avangin, sum leh pai chungchangah te. Chungah chuan han thum tha turin, han pui tur khan RUSA an ti a, chu chu Rashtriya Uchchattar Shiksha Abhiyan (Higher Education Mission), khami scheme kha rawn duan chhuah a ni ta a. Chungte pawh chu control pha turin, chung zawng zawng vil tur leh central University te nena an in relation zel hrim hrima te pawh kha enkawl tur khan state level ah khan Committee sang tak awm sela. Chu chu State Higher Education Council ni sela tih kha a ni a. Chumi chu khami thawhhona huang, kan rama quality education te kan pekna tur atana khatiang anga rawn kal zelah khan kan ramah hian 2014-ah khan RUSA din tur chungchangah Mizoram sorkar pawhin tha tiin Mizoramah din ve ni se a lo ti a. 23rd September 2014-a Cabinet Meeting khan RUSA hi Mizoarama hman ve ni sela tiin hman phalna kha a lo siam ta a.

Chutiang chuan khuti lam RUSA lam atanga sum lo kal te nen khan heta keimahniina UGC atanga sum lo kal kan khawp kham lohna nasa tak laiah leh kan state-in a fund neih ang a va pek ve te, khang zawng zawng rawn thal thawm tur khan, rawn pui tur khan RUSA kha kan lo hmang tan ta a. Amaherawhchu, khami RUSA lam han hman dawn khan mandatory, thil phut hmasak an nei a. Chu chu State Higher Education Council kha legislature ngeiin, dan siam ngeia pass tur a ni tih kha an phut a ni a. Mahse kha kha Cabinet-in an han tih hnu ah khan, kan ramah chuan kan hman tan ve duh dawn tawh avang leh khuti lamte nena indawr nghal chur chur a ngaih tawh avang khan executive order khan notification, 13th May 2014-ah chhuahin State Higher Education Council kha kan han din ve ta tawp kha a ni a. Chungah te pawh chuan member hrang hrangte Chairman-ah khan hon'ble Higher & Technical Minister kan han dah a. Tin, Vice Chairman-ah hon'ble Parliamentary Secretary kha kan han dah a. Chutiangin RUSA bik enkawltu tura kan sorkar officer pawimawh kan va theh chhuahte chu Additional State Project Director kan ti a, tichuan State Project Director tak hmuna erawh hi chu Higher Education-a Commissioner/Secretary te chanvo a ni a. Tiang khan Committee hrang hrang siam dan turte pawh khuti lamin an rawn duan

ang zul khan kan han siam ve a. Chu chuan vawiin thlengin min han kaihruai nawk nawk ta kha a ni a.

Mahse kan RUSA officer-te an zuk meeting apiang hian chhuahchhalh an tawk deuh ta zel mai a, hemi kan legislature ngei ina dan siam vat tur khan. Hemi kan han tih tirh atang pawh khan kum hnih chhunga siam tura min tuk kha a ni nghe nghe tawh a. Mahse kan ti hleithei lova, vawiin thlengin. Min titawp bik em lo a. Tin, state hrang hrangte pawh kan han zawh kual khan dan siam lote pawh an lo la awm ve nual zel a. Chutiang chu a nih avangin he dan hi kan siam ve ngei a tul hle tawhin kan hria a. Tin, kan hmasawna kalphungah pawh hian kan officer te an fel a, RUSA hotute nen an zuk indawrnaah pawh hian Mizoram state hi a hming tha berte zing ami, "Mizoram state tih ang hian rawn ti ve rawh u, anni entawn rawh u" ti a fakte pawh kan hlawh em em a. Hei hi Pu Speaker, i hruainaah hetiang kan tawngte pawh hi kan lawm thin hle a ni.

Chutiang chuan state hrang hrangte pawhin an han buaipui ngar ngar hlawm a ni a. Tunah hian North East state-ah hian la nei lo hi Arunachal leh Assam; tin, Meghalaya hian an peih tep an ti a; tin Mizoram hian hei vawiin atang hian kan nei turah inngai ila. Tripura hi nei tep dinhmunah an ding bawk a. Nagaland te, Sikkim te, Manipur-te hian an nei tawh a, State Higher Education Council hi. Tin, India state-ah pawh West Bengal te, Karnataka te, Jharkhand te, Andhra Pradesh te, Tamil Nadu te, Uttar Pradesh te, Kerala te, Odisha te, Telangana te, Gujarat ten an nei tawh bawk a. Tunah hian la nei lo vete chu Jammu & Kashmir te, Punjab te, Himachal Pradesh te, Uttarakhand te, Haryana te, Rajasthan hi tunah an nei tep a, Madhya Pradesh te, Bihar te, Chhatisgarh te, Maharashtra te, Goa te, New Delhi te, heng ho hi la nei lote chu an ni a. Mahse heng a nei tawh ai mah hian kan tih thatna te khuti lam hotuten min lawmpui avang hian an mit kan tlun lehzuai nan pawh he dan kan neih ve ngei hi a tul hle tawh a.

Hemi kan dan rawn pharh erawh hi chu han luh thukpui dawn ta ila kan dan bika hi, member zahawm takten a phuailuai min tih pawhin a principle zawka kha min thlirpui ka duh a, heti laia ziaak lem loha pawh hi. Tunah hian Bill No. hi 51 a ni a, heti laiah hian kan han keu ta a, "Be it enact by the Legislative Assembly of Mizoram in the" tihah khan dah blank a ni a, Assembly Secretariat lamin an rawn dah khat dawn emaw kan ti a ni maithei a, an rawn dah khat ta chuang lova. Chu chu "Sixty eight Year of the Republic of India" tia tilai blank hi fill up tur a niin ka ring a. Tin, eng emaw han fuh lo neuh neuh hi chu a awm nual a, sap tawng kal hmang te, mahse eng emaw a a sap tawng thumal han in lehkhah deuh lai te chu a awm a ni a. Khawngaih takin ka bill body kha min lo keu sak ula. Ngaihtuah ngai pakhat zawk erawh chu pheik 12-na section 16-na ah khan a,b,c,d a kalthla kha, d-ah

khan "The Auditor appointed under sub-section-3" tih kha 3 hi a awmlo hrim hrim a, a vang chu kan officer ten he dan an va vawm luh khan section 16-a hi 1,2,3 in an pe a. Mahse DP&AR lamin (a),(b),(c),(d) in an lo kalpui ta si a, mahse hemi a sentence kal a kha 3 tih te kha (c) tur kha a lo ni ta a. Amaherawhchu dan kalphungah 'sub-section' ni lo in 'sub-clause' tur kha a ni hrim hrim a. 'The Auditor appointed under sub-clause (c)' tih a chhiar tur a nih ka ring a.

Tin, a phék lehlan kha han keu leh ila, (h) na ah khan chutiang bawk chuan sub-section 7 an rawn tlawhchhan leh a. Kha kha (g) ai kha a lo ni leh a, sub-clause (g) tih tur ni in a lang a. Khatiang zel khan section-17 in han keu ah pawh khan (b)-na zawk ah khan (a)-na tlawhchhan ni reng si khan 'sub-section-1' a la ti leh ta a, 'sub-clause-1' nilo in 'sub-clause-(a)' tih tur kha. Khatiang te te khan engemaw a lo pek danglam-ah khan thil fuh tawk lo, hetilaia a chipchiara va ennawn leh vek ni lo, (a),(b),(c),(d),(e) alphabetical order-a tih kha tunah roman script ah 1,2,3,4-a a kal tak khan heti lam a va siam dik fuh tawk lo kha a awm ni in a lang a.

Tin, section 20-na ah khan 'Power to make regulations'-ah khan 'The Governing Council may with the kind approval of the Govt. form regulation in accordance with this Act' tih ah 'Governing Council' kha khawiahmah khan a lang lo a. Chuvangin 'the Council' tih mai tur kha a nih hmel khawp mai. Chutiang ni lo a provision tih te, 's' belh tur tih neuh neuh te kha erawh chu thu dang ni sela. Amaherawhchu, Pu Speaker, ka'n duham deuh ang a, Law lam te pawhin min lo ngaithiam sela. India pumpua Educationists ten min thlirpui dan leh 'National Education Policy 1986' in min rawn thlirpui dan a kha chu ka sawi tawh a, amaherawhchu he dan hi RUSA bill tur emaw ti tlat khan kan Law lam te khan RUSA bik dan tur emaw an ti tlat mai lai hi an fuh lo in kan hria a. Mizoram pumin kan la hman tur, State Higher Education Council, kan Chief Minister thuneitu sang ber hoa kan la hman tur, chu tah mithiam pui pui educationists kan la huikhawmna tur a ni a. Chuvangin tun atanga reilo te ah chuan State University pawh hi kan la nei ngei ngei dawn a ni, ram than zel danah hian.

1960 vel ah college kan nei a, tichuan 2000 leh tih ah chuan college tam tak a lo awm tawh a, University kan nei tawh a ni. 2030 velah hi chuan State University hi kan nei ngei ngei ang tih hi kei chu ka dream tlat a ni. Central University kan khawpkham lo thuai dawn. State University hi kan la nei ngei ngei dawn. Chung ang zawng zawng te take care zo tur chuan State Higher Education Council hi tinzawn a ni a. Amaherawhchu, DP&AR lam te khan kan dan siam kha an han en vang vang a, RUSA-ah min bawk ta a. Entirnan, a pakhatna short title ah te khan State Higher Education Council under RUSA an han ti ta a. Tin, definition 2 (e)-na ah khan, 'Council means

the State Higher Education Council under RUSA' kan ti a, RUSA-ah min bawk vek mai a. Amaherawchu, kha kha chu nakinah ram mamawh dan a zir zel in he State Higher Education Council te hi kan lo nei a nih chuan heng te hi chu amend theih vek a la ni a, RUSA-kha la paih daih theih a ni tho a. Tunah erawh chuan min rawn thingtu ber leh lo siam thuai thuai rawh u titu ber, kha khatiang kha an nih avang hian a ni.

Engpawhnise Pu Speaker, kan dan hi a la kim chang lo tih tur tam tak pawh a la awm ang, mahse a tum hi a chiang a. Tin, hemi ah hian kan sawi tawh ang khan he mi hi Act-a siam a nih veleh a Rule kha siam tur a ni tih te pawh hi kan lo ngaih deuh ni awm tak a ni a. Tin, a Rule kha siam a nih zawh veleh House-ah lay a ni ang tih te pawh kha a la tel lo a ni a. Khatiang deuh khan keini Higher & Technical hi chu a thu hrim hrim ah dan siam mi hi kan han ni lo khawp a, dan lamah hian kan han bil khawp a. Revenue lam hi chu dan siam mi kan ngah deuh a. Hemi ah pawh hian The Mizoram Technical Education Council Executive Notification kan nei ve a. Tichuan tunah pawh computer zir te pawh hi kan exam ve a, certificate te pawh kan han pe ve a. Tin, chutiingin Polytechnic te pawh certificate te kan pe a, Mizoram bikah Technical Education Council Certificate kha. Mahse chung te pawh chu dan hi House hian kan la pass miah lo a nia! Mizoram Higher Technical Education Council dan te pawh. Tichuanin notification hi executive order in kan kal a, tumah chuan court ah min khing lem hleilo a. An certificate te chu kan pawm ve zel a ni tawp mai a. Mahse certificate pe thei tur khan kha mi dan a kha (han in puang ta mai mai ila, The Mizoram Technical Education Council dan te pawh hi) he House-ah kan la pass miah lo a. Han buatsaih ru kan in ti a, mahse dan siam lam hi kan zeiklo aniang hei House-ah kum a vei daih tawh. Kan la rawn pharh lut thei tlat lo. In han ngaihtuah vang vang pawhin kha kha kan mamawh em em a ni tih chu in hre mai ang. He House kaltlang ngeia Mizoram Technical Education Council kan mamawh zia chu in hre em em ang. Technical Education a pung tawlh tawlh a, chuvangin kan certificate te kha effective taka kan hman zel dawn chuan khang te kha a ngai ve a. Chu mi a kengtu ber kha a awm ta lo a, khatiang te kha a ni a. Tunah pawh hian kan State Higher Education Council te pawh khuti lamin min sanhmawh em em tawh avangin kan delay thei lo a. Amaherawchu, vanneihthlak takin kan Cabinet te, kan Law te hian min lo phurpui a, vawiinah hetilai min thlen pui a ni a. Tih that ngai tam tak a awm ang tih ka ring a, member ten an en mai pawh in. Chung ah chuan tih that ngai te pawh kan in fin chhuah ang a, kan ram tan vek a nih avangin kan la ti tha leh zel thei dawn a ni tih pawh kha hria ila. Tuna kan rawn pharh luh ang ang erawh hi chu la phuai deuh te pawh a awm mai thei a, chung te pawh chu a nih ang ang min nuai liam pui phawt mai a, a fuh lo deuh a awm pawhin patent error anga min pawmpui tawp mai kha kan mamawh ber dawn a. Hei in chhiar vek tawh a, a thuhmahruai reng reng atang pawh hian a rawn

huk ring ve reng a ni a. Hetilaiah te pawh hian a pawimawhzia te pawh kha a rawn lang em em a. University Grant Commission te, RUSA te nena thawk ho zel a, khatiang Higher Education kha state level-ah te vawrh san zelna tur kha a ni a. Tin, hetilaiah hian member ten in hriatthiam leh zual tura ka duh chu, a phek hmasa berah a Bill kan tih diklohah hian kan thlak thliah thliahah hian a paragraph thumnaah 'and whereas the said Committee recommended that there is a pressing need for an effective machinery for promotional and co-ordination of Higher Education at the state level' a rawn tih hi 'the said Committee' a rawn ti a. The said Committee pawh hi nichina kan rawn sawi tawh National Educational Policy khan UGC kha khatiang dan siam lamah State Education Council te siam tura a tih ang khan chung UGC te pawh chuan chutiang chuan an ti chho va. Chu chu RUSA meeting apiangah pawh khan kha kha hman chhoh zel a nih avangin, 'the said Committee' a rawn tih tak a hi a ni berin a lang a.

Chuvangin University Grant Commission leh Rastriya Ucchatar Shiksha Abhiyan pawh khan Committee kha an siam a, chu chuan state level education kha national policy ang zul khan siam vek tur a ni e an ti chho a ni. Khatiang te pawh kha min hriatpui ka duh a. Chuvangin Committee lian takin ti tura min duh ang khan heng hi ka rawn phuah chhuah a ni a. Sawi belh tul a awm leh windup hunah ka rawn sawi ang a, a phek pawh a tam lova, a thu pawh han khirh em em a awm lova. Han inpuan leh mai ila, keimah ber zawka hi a buai leh pek ka ni a. Hetilaiah hian kan hotuten an rawn ziaak leh tlat mai a, suo moto an rawn ti leh tlat mai a, suo moto chu engemawni ka ti a. Section 14-na sub-section 2-naah hian suo moto an rawn ti leh tawp a, suo moto chu enge ni, tih te, thumal an hriat pangngai angin an ziaak zel mai si a, Mutatsmutendi tih te. English dictionary te ka han en thin a, a lo awm mang si lova, internet lam rawn te a lo ngai a. Pu Speaker, kan Home Minister chu a lo hre khawp mai, 'Anmahni thunneihna kha a ni mai alawm' a lo ti. Kan officer ten tul an tih anga hetiang a policy thelh si lova, hemi an umzuina atana an lo tih zel a kha 'suo moto' chu a ni mai awm e.

Engpawhnise Pu Speaker, kan dan hi dan thar tur a ni a, Mizoramah chuan a bultanna tur ang a ni dawn a, State Education Council, a RUSA lam hming chuang kan han ti phawt ang a. RUSA policy hi 2022-ah an extend lo a nih chuan a tawp mai dawn a, mahse, he kan State Higher Education Council erawh hi chu tawp ve lova, state a awm chhunga education lama hma kan pan zelna tur atana committee pawimawh tak tur a ni tih hre chungin, reilotea hman atana chuti taka chai buai a ngai em ni, ti a kan member ten min ngaih pui lovin ram kal zelna tur atan hian he State Higher Education Council hi a la pawimawh deuh deuh dawn a ni tih min

hriatthiampui chung, chutianga kan rahbi tuk tharna a ni tih min hriatthiampui a, chuti zawnga ngaihtuahna min lo hman pui turin ka rawn dil a. Tichuan, he sawihona hi tluang taka nei turin ka rawn move a ni, ka lawm e.

SPEAKER : Minister zahawm takin inngaitlawm takin a move a, tunah sawihona te kan tan dawn a, tunge sawi hmasa ber ang? Dr. Ngurdingliana i lo ko ang.

Dr. NGURDINGLIANA : Pu Speaker, ka lawm e, kan Minister khan chipchiar deuhin a tir lamah a rawn present a, RUSA awmdan te; tin, executive order-a a kalchhoh dan te leh Land Registrar atanga VAT a nih dan te. Tin, Finance Department leh Council of Minister pawhin a pawmpuina, khatiang khan chipchiar takin a rawn sawi tawh a. Tin, hemi pia lamah hian North East hmarchhak state 3 in an neih tawh thu te leh mi state dang 13 laiin an neih tawh thu te; tin, tunah Meghalaya leh Tripura leh keini state-in RUSA kan neih thuai tur te a rawn sawi a, khang zawng zawng technical thil kaltlangpui tawh a nih avang khan leh a pawimawhzia a rawn sawi atang khan vawiinah (**SPEAKER** : Ngawi rawh aw, in hun hman dan tur kan sawi ang e. Minute nga kha kan duhtaw ang em?) Min belh hret la kei chu (**SPEAKER** : Awle, minute sawm (10) i ti ang aw.) khatiang khan a pawimawh thu a rawn sawi a. A chhan chu hei hi executive order-a pawm a nih tawh hnu khan kum hnih a liam dawn tawh a. HRD atangin chitinreng an rawn pe a, tunah hian Phase I stage ah kan awm a. Tun Phase I stage-ah ringawt pawh hian he RUSA hi Mizorama lo lut hi tuna hmuh tawh chu vawibelchhe sawm sarih pasarih a ni a. Tin, tuna phase I-a RUSA sum lo kal leh tur hi cheng vawibelchhe 9.75, a vaiin phase 1-ah pawh hian vaibelchhe 87 kan hmu dawn a ni, sanctioned vek tawh.

Tin, phase II 2017 atanga 2020 -ah hian hei aia tam pawh hi a lo kal leh thei a ni. Tunah kan vannei a, kan Minister te leh kan Chief Minister te hmalaknain RUSA sum atangin zirtirtute hi St Mary's College te min rawn siam a, Hrangbana College te, College dang dangah infrastructure leh thil danga hman atan nuai 100 an pek laiin Model College ah te hi chuan nuai 400 lai an pe a ni. Khamiah khan thil hrang hrang project an tih ah te pawh hman tangkai a nih avang hian a principle an rawn sawi tlawm deuh a, a ngenna an rawn sawi kha chu kan tihpuitlin sak ngei kei chuan ka duh baw a.

Tin, a thuhrimin India rama Education Policy Reform reng reng hi a duangtu chu keini Indian National Congress kan sorkar chhung zel a ni. Tuna India in zirnaa hma a sawn chhoh Elementary Education-in

tuam tura a tih Sarva Shiksha Abhyance (SSA) kan tih te hi kum 2001-a din a ni a. Namen lovin elementary stage-ah hmasawnna ruhrel mihringah infrastructure-ah kan hmu ta a ni. Tin, Mizoramah ngei pawh kan Minister zahawm tak Pu Rohluna ten nasa takin hma an la thei ta a. Chumi tuam tur chuan a chhawng leh ah RMSA kan tih pawl sawm sawmpakhat, sawmpahnih enkawl turin a hranpa hlakin a lo kal a, Zoram dung leh vangah RMSA school te hi engzah nge kan neih? Zirlai chawl tawh te an kal ngei ngeina tur scheme rawn duang chhuaktu keini UPA atanga kan hmu a ni a, 2009-ah khan. Chutah a lo kal chho leh a, tuna kan ngaihthlak RUSA hian Higher and Technical bik enkawlin tihian mumal takin kan hotute khan kumin chhung khan education reform-ah hian hma an la a ni tih pawh kha a tharin kan sawi leh duh hrim hrim a ni. Chuvang chuan, The Mizoram State Higher Education Bill hi a Act kan neih a pawimawhna chhan chu kan sawi ang khan tunah, Central University tha deuh mai kan hotuten hmang chang hre takin min lo din sak a. Kan hria a, Univeristy top ranking-ah keini pawh 60 nge 45 bawr velah khan kan awm a ni MZU hi subject hrang hrang hawng tharin, affiliated college Pachhunga College te pawh subject hrang hrang hawng tharin hetiang hian hma an la a, anni tha chhang dawl turin nichina kan ngaihthlak ang khan RUSA (RUSA chu temporary scheme arrangement maiah kei chuan ka dah a), kaltlangin HRD khuan hmang chang takin khami a gap University leh helai High School inkar, Higher Technical promote tur hian ruahmanna tam tak a rawn nei a, chumi atan chuan Processing College din te, Agriculture College din te, skill development hawi zawnga hmalakna te; tin, hnam hnufual chawikanna tur te, hmeichhia chan hai zawkte chhawmdawlina turte hi a rawn keng vek a ni.

Tunah pawh hian ka hriat dan chuan HRD hian helai Education hotute pawh na takin an rawn nawr a, he RUSA scheme hian Higher Technical Education hmasawnna tur tam tak a keng. Institute of excellence, Premier Institution dinna tur pawh project a keng tel, hamthatna a keng tel si a, Act hi rawn pass vat rawh u an rawn ti a ni. Ka sawi ang khan nichinah kan Minister zahawm takin a sawi helaiah kan man fuh loh avangin RUSA ngawr ngawr kha under RUSA tia min dahsakte pawh kha kan man Chiang lo a ni mai thei. RUSA hi chu 2022-ah a tawp a nih pawhin he Council Act vawiina kan pass hi chu kal chho zel turah ngai ang. A mawhphurhna hi a sang a ni. State University te pawh nei dawn mah ila he Council Act anga kan neih tawh hnu ah hi chuan tam tak kha an kuta a awm tawh dawn avangin a pawimawh zia chu vawiinah ka sawi ve thiam lo zawk a, kan Minister khan Chiang takin a rawn sawi a, ka rilru ah a awm reng chungin kan sawi duh a ni.

Tin, UGC-in peer team kan tih college en dik hna an han thawh hnu hian Mizoram-ah pawh hian kan college hrang hrangte hi hma kan sawn nasa lutuk a, Aizawla college hrang hrangte pawh grading a that rualin Aizawl pawna college-te pawh a campus chungchang a ni emaw, a college chhunga academic environment chungchang angin emaw Pu Speaker, entir nan kan Home Minister bial Saitual College-te hi hmanni ah ka tlawh a, a lawmawm a ni an hmasawnna te khi! An academic performance a tha a, chumi piah lamah an curriculum activities a tha a; tin, an nitin intellectual exercise nan symposium te, seminar-te khatiang khan he UGC-in a rawn ken avang khan khawi hmunah pawh college hi chu awm se thingtlangah pawh kum tina monitor a nih avangin a chhe thei tak tak lo. Chuvangin he Education Council Act kan pass hnu hi chuan kei chuan keima mimal ngaihndan ah Pu Speaker, college pangngai hi chu duh leh zokhaw pawn lamah din ila, hemi kaltlang hian state capital-ah emaw, district capital-ah emaw professional college-te, employment oriented college-te kha hetah hian a len tho si avang hian hetiang zawng hian kal ila ka duh a. He bill ah hian patent error pawh tam tak awm mahse khang zawng zawng kha nakinah siam that theih a ni dawn tho a, Rules pawh kha siam that theih a ni tho a, chuvangin pass pui ngei ka duh a. Tin, a mawhphurhna leh a pawimawhna hi a san dawn em avangin kan lo pass hnu ah pawh entirman a hun laia tu sorkar hun pawh lo ni se, Higher Education Minister changtu khan a kawp a remlo a nih chuan he Chairmanship hi a career-ah hian Executive Council a awm dawn a, Advisory Council a awm dawn a, Advisory Council kha chu Chief Minister ho a ni a, acting bodies thu mahse day to day function kengkawh tur khan Higher Minister khan a chelh kawp thei lo a nih chuan a Chairman tur erawh kha chu mithiam tak, academic background nei, hma thlir thui neih a ngaiin ka hria a.

Tin, hetah pawh engmah benefits a parts te pawh rawn sawi a ni lova, thuneihna te kha chu en liam san ila, nakinah an rawn ti fel mai turah ngai ila. Tin, nichina an rawn sawi ang khan Council tih ringawt kha Governing Council kha awm lovin ka hria a, Executive Council emaw, Advisory Council tih turah khan kan ngai ringawt a ni. Chuvangin, kan hmasawn chhoh zelna turah Elementary atangin High School, Higher, College thlenga hma kan sawn mek lai hian i sawn leh zual ang u. State dang chu an leilungte a hausa a, an intodelh; keini Mizoram tan chuan he Human Resources hi kan rotling a ni. Mizoram hi education hub ah kan siam thei a ni. Chuti hawi zawng chuan rilru pu ila, mithiam tak tak kan nei tawh, kan zirlai, kan tu leh fate khawiah pawh kal se an chhuanawm tawh. State dangin min rawn pan theihna tur

hian tunah he Act hmang te, kan University neihsa hmangte, nakina thil dang lo piang tur te nen hmahlir thui tak nei chungin kan Minister zahawm takin "The Mizoram State Higher Education Council Bill, 2017" a rawn putluh hi thil dang hnawk awm thei zawng zawng kha theihngihlin a principle-in pass pui turin Bill he House hi ka rawn ngen a ni e.

SPEAKER : Midang sawi tur kan la awm em? Kan awm loh chuan kan sawi ang a, nakinah kan chhunzawm dawn nia House-in a remtih dan a zirin. Kan chawl rih ang a, kan kal leh hunah kan sawiho dawn nge? A nih chuan chawl rih ila, dar 2 : 00 ah kan kal khawm leh dawn nia.

RECESS TILL 2:00 PM

2:00Pm

SPEAKER : Awle, kan sawi chhunzawm ang a, tunah Er. Lalrinawma i lo sawm ang.

Er. LALRINAWMA : Pu Speaker, The Mizoram State Higher & Education Bill 2017 hi a lawmawm hle in ka hria a Pu Speaker, minute engzat sawi tur nge kan nih le? (Speaker : Minute sawm kan tih kha). Amaherawhchu a bu chhung thu chu han sawi vak ka tum lo a, tlem han zawhfiah duh lai ka nei a, setion 3-a The Executive Council member tih a, representatives from Arts tih te, from Culture tih te hi eng a tum na deuh nge? Keimahni zirna Arts Department a tih na deuh nge ni te kan ti deuh mai mai a, khang te kha min hrilfiah theih chuan alawmawm in ka ring a. Tin, Power and Functions of the Advisory Council tih hi a ziaak tlem hle mai a, hei aia han siam tam deuh theih ni se tih te kha rilru ah a awm deuh bawk a.

Tin, ka'n hriat thiamloh lai pakhat chu section 8-na Members of the Council tih a section 8 (c)-na each member will have a term of 6 years a ti a, 1/3 of the members will retire every two years. The exsisting Council will nominate 3 members every two years a ti a, hetia a lan dan mai kan hriat thiam dan chuan member tin te khan kum 6 an chelh tur emaw tih lai in member hmun 3 a then a hmun khat kha kum hnih dan zelah an thlak tur a ni tih lai te kha awm a, khati lai bawr vel kha min hrilhfhiah theih chuan a lawmawm khawpin ka ring a.

Tin, helai section 8-na proviso-ah hian a dang an awm loh chuan member ngai te pawh ruat nawn leh emaw, thlan nawn emaw tih te kha a rawn ti a. Helai hi a leh lamah member ngai emawin chelh lehna chance hi

a sang viaulo maw aw! Mahni duhsak zawngte midang an awm manglo tiin kan in ruat kan in ruat ang tih te pawh kha rilru ah a awm deuh a. Engpawhnise kha lam kha chu nakinah kan Minister zahawm takin min rawn hrilhfiash sak tur ah ngai ila. Lawmawm hle in ka hria a, hemi kan han neih laia hi. Tin, tih tur tha deuh deuh mai a han tarlan helaia section 14-na sub no. 2-a tih tur a rawn tar lanna (i) te, (l) te heng ho neuh neuh entirman advise the Government on the starting of new courses, colleges, and other higher education institutions in the state tih te leh thil dang tam tak tih tur hi a rawn zia k thla teuh mai a, tha tih zual deuh deuh ka nei a, (n)-a sub no. (vi)-na Human Resources Development, Employment and Global Skills Development Cell leh thil dang tam tak Excutive Council in a tih tur te a rawn ruahman a, heng te hi a lawmawm hle a ni tih ka sawi duh a. Engpawhnise hetiang khawpa dan tha te kan han tih hian a implement ah hian khawng deuh taka kan kal pui theih hi a pawimawh in ka hria a. Education thil ah pawh a ni ang a, elementary education lamah pawh ruahmanna kan han siam a, amaherawhchu a rah tha chhuah hmuh hi a har khawp mai a, wawiina kan dan tha tak tak te pawh hi a hmanna kawng ah hian tih tak takna rilru nen kan beih a tul tak meuh meuh a ni tih ka sawi duh a. Kha kha dan chhung lama ka sawi theih ni mai se.

Higher Education kalphung hrim hrima ngaih pawimawh deuh ka neih lai chu College Library hi kan nei changtlung theilo khawpin ka hria a, Pachhunga College te hi chuan an nei tha khawp mai a, kan kal ve lai te ka ngaihtuah a. Amaherawhchu tun hunah College te a lo tam tawh a, NAAC atanga lokal te pawh khan, a hria te sawi dan chuan Library kha an duh khawp lo tlangpui ni te pawhin a lang a. Keini pawhin Assembly Library tha deuh mai kan nei a, a tangkai zia te ka ngaihtuah a, Assembly Library ngat phe chu a changtlung khawp mai a, hetiang hi chu han beisei rual a ni lo a.

Amaherawhchu helamah hian tan la leh zual ila a tha in ka hria a, sum leh pai leh lehkhabu lei na lamah harsatna a awm a ni awm mang e te pawh a tih theih a. Tin, a dawt leha ka sawi duh chu field trip chungchang hi a ni. Tun lai college student ten local field trip an ti a, kei pawh hi Aizawl lama zirlai khawi khawi emaw atang te hian min rawn be ve nak nak thin a ni. Field trip atan hian pawisa a awm thei lawm ni? Syllabus-a awm tho tho si hi chu a pawisa hi ngaihtuah theih law law ni se, zirlaiten an beisei tho tho baw k si a. Heng aia ruahmanna tha zawk hi awm thei sela chu kan zirlai ten an tangkaipui khawp ang tih ka ring a. Study tour te a awm tawh lem lo a, syllabus-ah a awm baw k si a, rilruin a beisei a, lehlamah pawisa kha a awm leh baw k si lo a, sangha te an zuar a, an khawngaihthlak ve khawp mai a Pu Speaker, zirna tihchangtlun a ni ta sa sa baw k a, ngaihtuahna zau zaaw k te pawh seng ta ila a tha khawpin ka hria.

Tin, nichinah khan University chungchang kan ngaithla a, khathi laiah khan ka sawi duh chu graduate heti zat hi kan chhuak a, a zir zawm lehna ah hian kan buai thei khawp mai a, MZU khuan min dawl zo lo a, hetiang a nih rau rau chuan nichina kan Minister sawi zul deuhah khulaia University quality tha deuh te hi tih luh dan te awm ta se. Entirnan phaiah College tha ah te kan zu awm tir a, naupang kan hmuh phak lo ah kan awm tir a, to tak tak kan seng tho si a, a then te phei chu zalenna hmang thiam lo lek lek te pawh awm ve theih a ni a, University ten kan graduate chhuak zawng zawng kha min dawl zo hrih bawk si lo a, ngaihtuahna ti zau hrim hrim ah ka'n sawi duh a.

Tin, helaia kan bill-in a rawn ken tel tho te pawh a ni ang a, tuna kan zirna kalphung hrim hrim laiah vei ve deuh ka neih chu tuna kan zir dan kalphung ah hi chuan a tawp, a hmawr bawk dan ah hian kan buai tlangpui mai a, helam ah hian kan ngaihtuahna te pawh kan tih zau a tha awm mang e. A chhan chu tunah kan lekhathiam tak tak, bright tak tak te an rawn kal a, Master Degree te an han zawh meuh chuan hna kha a vang ve leh em em a, kan zirna kalphung hi tlem chuan kan sawi danglam a hun tawh lo maw le? Tualchhung leh kan khawtlanga eizawna lam hawi ang zawng pawha kan kalpui thiam hi a tha in ka hria a. Hemi dan ah pawh hian a rawn ti tel deuh nualin ka hria, kha lam hawi kha. Chuvangin chak leh zuala kha lam hawi zawng kalpui kha kan rilru ah awm se a tha khawpin ka hria a.

Tin, kha mi zul zui tho Community College an tia, tun lai hian a rei deuh tawh na in an ti uar chho viau a. India ramah pawh hian Colege 150 chuang zet hi UGC pawhin a recognized a lo awm a. Chu chu tuna kan eizawna hrang hrang ten a mil tur ang chi a ni deuh ber ang chu, Mizo tawnga sawi chuan. Helai ka lehkhahu ken ah phei chuan kum 2025-ah chuan India hian khawvela work force zawng zawng za a swmhni panga hi a chang dawn a ti a ni. Ti khawpa labor tha pui lo tam tur kha chu zirna kan han ti danglam chhoh hret hret a, entirnan fashion te pawh a ni ang sam siam lam pang nge ni khatiang kan eizawnan nena mil tura zirna hi kan siksawi loh chuan BA kan passed a, MA kan passed a hna in min daih chuang bawk si lo a, a tawp ah kan inhnawh khawm a. Vawiina kan ngaihtlak ang deuh khan tuna Police kan lak ah pawh hian BA val pawh an tam ngawtin ka ring. Kan Home Minister zahawm tak pawh khan pakhatin 'MA ka nia' a tih te pawh kha a sawi a, chung zawng zawng chu kan education system hian nitin kan hnathawhna kawng hawi zawng lo neih te pawh a ni ang a, cement mistiri thleng pawh a ni ang, khatiang zawng zawng kawp kim tura kan kalpui thiam kha a tul ta tak zet a ni tih hi vawin ah ka'n sawi a. Chumi a nih loh chuan thil hi kan inhnawh tawt ang a, a tawp ah buai deuh hian mumal si lo hian lekhathiam bawk si, (SPEAKER: I hun i hmang zo) (Pu Speaker, minute khat lek), a buai tawh lekin kan awm ang tih kha a hlauhawm ve in ka hria a.

Ka lehkhabu ken ah hian Assam ringawt pawh hian Community College hi 15 a lo nei a; tin, Manipur hian 6 an nei bawh a, North East ah chuan, heng te pawh hi kan ngaihtuahna ti zau ta ila, vawiina kan lehkhazir kal mek ah hian general-a kal ngawr ngawr lo hian eizawna kawh zau zawh neia kan in phurh chhuah theih chuan kan thalaite hmakhua pawh hi a lo eng sawt ang tih ka ring a. Chuvangin helamah hian, hemi dan kan sawi zul zui ah hian Executive Council thil tum a rawn tar lan ah pawh hian, kha lam hawi kha a rawn chhawp zau khawpin ka hria a, a lawmawm ka ti a. Chutih rual erawh chuan kan zirna kalphung chu kan zauh ve hret hret chu a ngai a ni, kan ram hmakhua thlir in, chuti lo chu a tawp ah hna kan beisei a, kan tlin leh bawh si lo a, Pu Speaker, kha lai kha ka ngai pawimawh hle a ni. A bill hrim hrim kha chu a tha ka ti a, ka thlawp thu kan sawi e, ka lawm e.

SPEAKER : 1,2,3, tunge sawi hmasa ang? Pu Ruatkima.

Pu LALRUATKIMA : Pu Speaker, ka lawm e. Vawiinah Minister zahawm tak Higher & Technical Education changtu in, "The Mizoram State Higher Education Council Bill, 2017" he House zahawm taka a rawn pulut hi a lawmawm ka ti a, zirna hmasawn hi khawvel ram changkang leh changkanglo tehna a ni a. A Bill hi thui tak han sawi tur pawhin Pu Speaker, a pawimawh ang aiin kan inbuatsaihna a rei tawh nen tun Zirtawp zana kan hmu ve chauh mai a, kan danah khan member ten Bill an hmuh hi ni 4 a tla tur a ni tih kha a tla tawh mai a, han inzira documents dangte pawh han in chhiazau turin hun a tlem hle mai a, kan session chhungte a lo tla bawh nen, churang chuan kan Minister hian financial memorandum zawng zawng ah te nikum lama a sign vek laiin kan hmu tlai deuh erawh hi chu duh angin member te pawh sawi kan tamlo a nih pawhin in hriatthiam tlan atan a tha khawpin ka hria. A chhungah chuan patent error te, khang ang chi hrang hrang kan Minister zahawm tak khan a rawn sawi lang tawh a, kan sawi vek seng lo ang a, chulaiah chuan, sub title (i)-na ah khan, '..this Act may be called the State Higher Education Council under RUSA, Mizoram Act, 2017' tih kha ka lo ngaihtuahna ah chuan, "This Act may be called the Mizoram State Higher Education Council under RUSA" tih awm zawh tak kha Mizoram kha a dah hnung a, kan dan siam danah nge ni a Rules lamah kan ti tha dawn nge ka ti a. Tichuan a pahnihna te (ii) ah khan, '..it extends to the whole state of Mizoram' tih ni awm zawh tak kha, '..it extends to the whole of Mizoram' tih kha a nia, state kha kan dah hmaih nge ni a appropriate zawh, kha lai kha ka hrethiam chiah lo a ni.

Tin, Act 2 (II)-na ah khan, 'College means any Mizoram Higher Education Institution affiliated to a University,' a ti a, a dik khawp mai, khalaiah khan technical-a hi RUSA leh he Council hian kan hma ve dawn lo em ni? Entirman, Technical College te kan nei chho mek a, Polytechnic thlang

mai khan, he Higher Education Council Bill hian a huam ve lo tur zawk em ni tih lai tak kha ka ngaihtuahnaah chuan a awm deuh a, chungte chu nakin ah kan Minister zahawm takin min la rawn hrilhfiah sela. Tin, Advisory Council kha lianpuin kan siam a, mi pawimawh tak tak te member turin a composition-ah khan kan han telh a, amaherawhchu power and functions kha kan tarlang tlem khawp a, kan hrilhfiah tawi bawk si. Tlar thum ah khan kan dah zo der mai a, khalai kha a tullo kan ti zawk nge ni tih kha kan sawi lang duh a.

Tin, Act 24-na Repeal and Savings ah khan, 'The Mizoram State Higher Education Council Notification 2014, executive order kha kan repeal dawn a , a rawn dah a, chulaiah chuan ka'n sawi tel duh chu khami kha a tir lamah khan dah zawk chi a ni lo em ni tih kha ka'n sawi duh a. Repeal tura kha a hnungah khan kan dah ,a Act emaw han enchian dawn khan kan repeal tur kha a hnung berah khan repeal and savings ah khan a awm a, khalai kha engtia ngaih tur chi nge tih kha chu ka hrethiam chiah lo bawk. Tin, financial memorandum kha kan Minister zahawm tak khan a rawn sawia, chutah chuan financial memorandum te, statement of objects and reasons te, khang te leh memorandum of delegated legislation te kha, a date te, kan Minister sign hun te kha nikum vek mai kha a ni a, nikum daih tawh a peih tawh si kha tun hnaiah min pe chauh mai a. Chutah chuan a then 2017-ah statement of objects and reasons kha 5th July, 2017 a rawn ti a, memorandum and delegated legislation-ah khan 5th July,2016 a rawn ti ve thung a ,kum khat a karah a tla tihna a ni ve thung a. A date kha an ti sual nge ni? Financial memorandum ah khan 26th August,2016 a rawn ti leh bawk si a, ni khat thil chhuak awm taka ngaih kha, khalai kha engeni a awmzia kan ti deuh a. Amaherawhchu kan Act, kan Bill sawilai nen hi chuan a inan loh avangin thil pawimawh lutuk chu a ni thei lo a. Pu Speaker, kan sawi belh duh chu statement of objects and reasons-ah sentence hnuhnung berah khan, ' therefore it is expedient to establish the State Higher Education Council by an Act of the State Legislature and the State Higher Education Council Mizoram Bill 2016 a rawn in ti leh lawi a,2017 ni awm zawk tak kha a ni a, kan kawl rei nen khan engti zai zia nge ni ka ti ve leh deuh a. Chutah chuan ' the State' ni mai lo khan kan Bill-ah hian ' The Mizoram' tih ni bawk si kha appropriate zawkin, " The Mizoram State Higher Education Council Bill, 2017" tih zawk awm tak ni ah chuan ka'n ngai deuh a. Khalai kha patent error-ah kan ngai mai dawn nge ni, khalai te kha ka'n sawi tel duh a ni. A bakah kha chuan ni e, zirna kawngah Higher Education hi thil pawimawh tak a ni a, Mizoram pawhin state pawna sum kan sen tamna ber ni ah ka ngai a, kan zirlaite pawh University-a zir turin state pawnah an chhuak nasa em em a. Mizoramah zirna tha kan neih a, infrastructure tha kan neih chuan kan ram sum tam tak luang chhuak thin hi Mizoramah heng Dan leh Rules tha kan neih hnu ah phei hi chuan, infrastructure tha te kan neih hnu ah phei chuan

kan ramah zirna tha leh zual kan kalpui thei ang tih hi ka ring a, thui tak han sawi tur em em pawh a awm lo a. Chuvangin he Bill hi a tha thawkhat viauin ka hria a, amaherawhchu khang ang neuh neuh kha nakinah kan Minister zahawm tak khan han sawifiah se a tha awm mang e aw tih kha kan han sawi tel a ni e. Ka lawm e.

SPEAKER : Tunge sawi leh ang le?

Pu JOSEPH LALHIMPUA : Pu Speaker, ka lawm e. Thil tam tak sawi ka tum hran lo a. Vawiin ah Mizoram State Higher Education Council Bill, 2017 kan han nei tur hi, kan han pulut thei hi a lawmawm ka ti a, Hei hi kan education hmalam hun zel atan hmasawwna niin ka hria a, lawmthu kan han sawi hma a. Educationist leh zirtirtute ho hnenah hian ka sawi fo thin a, 2nd April, 1894-ah Mizoram-a zirna hmasa ber Aizawl ah Mc Donald Hill-ah neih a ni a, siam a ni a. Mizo sap Missionary hmasa ten zirna min tan sak a, chutah chuan Chaltlang Lal leh Durtlang Lal te hi an zirlai hmasa ber an ni a. 1894 kum tawp lam October thla chawhnu lamah Lungleng Lal zirlai angin a lut ve leh a, khami kum khan zirlai pathum an nei a. 1952-ah kohhran school atangin District Council-in kan school tam tak min la a, tichuan sorkar school te, college te, tun ah chuan University te kan han nei ta a. Vawiinah kan rama rorelna sang berah Mizoram State Higher Education Council Bill putluh an ni leh ta hi hmasawwna rahbi thar ni in kahria a, lawmthu kan han sawi a, a puluttu kan Minister pawh kan congratulate duh a ni. Sawi tur nek nek chu a awm nachungin nakinah kan Minister zahawm tak pawhin min chhan fel theih chu ka ring tho a, heng phek – 2-na, short title and extend, commencement tih ah hian nichina sawi ang khan, under RUSA tih kha kan Minister pawh a hmin chiah lo a, ‘Law lamin an lo tih a ni a’, tih kha a sawi a. Law lam tih pawh ni sela, a bill pumpui leh central-in min kaihrui a tum dan leh he Bill nih dan hi a in kalh tlat mai a, heng te pawh hi patent error angin a tihdanglam mai theih em? A delete mai theih em? tih kha kan han sawi duh, kan han ngen duh a, a nih loh chuan kha kha a hrilhfiarna kha a dik dawn tlat lo a ni. RUSA hnuai ami kha a ni si lo a, RUSA kha chu a tel ve chauh kha a ni a, chu chu ka’n han sawi duh a, pakhatna. Tin, pahnihna ah chuan phek no 4 (d) ah khan “The Chairman may be removed from office before the expire of the terms through a vote of no confidence” tih kha a awm a. Tichuan a phek lehlam chiah no. 9-na ah khan ‘Termination or Removal’ tih ah khan, “The Chairman, Vice Chairman or Member other than at official member shall not be removed from his office except by an order of the Government”, tih kha a awm a. Khalai kha a inmil lo deuh em aw ka ti a. Tin, Chairman kha Minister te ruat theih tur te pawh a lo ni tho na a, khami pahnih kha nakinah min sawifiahsak se la a tha in ka ring a.

Tin, phék no. 8-na a tawi zawngin 13-ah khan 'Council Secretariat & Administrative Staff' tih kha no. 'b'-ah hian Pu Speaker 'The Salaries, Allowances & other perquisites payable to Vice Chairman shall be the same as of the Vice Chancellor of the University' a ti a. A hnuaiah khan Member Secretary kha Pro Vice Chancellor of a University a inti leh a. Theih pawh lo ni ta se Vice Chairman kha a hlawh a sang dawn tlat mai a. Chief Minister te, Minister te, Secretary, Commissioner te, Director te kha an la awm dawn a. Khami bakah khan midang lo rawih belh dawn ila, University-a Vice Chancellor te nena hlawh inang tur kha a kalphung tur a ni em aw ka ti deuh a, ka hriatthiamloh vang pawh a ni mai thei a. Khalai kha ka han sawi duh a.

Tin, Pu Speaker, hemi Bill bakah hian hetiang thuneihna nei society te an lo awm dawn takah chuan, model College ah te pawh Zirtiri College te, Hrangbana College te kan hmang a, a tangkai khawp mai tih te kha kan ngaithla a. Term hmasa lamah khan kan Chief Minister zahawm tak hmalakna hian Lunglei-ah University campus nei turin theihtawpin hma lak a ni a. UGC Chairman te pawh Delhi-ah kan CM ruahmannain kan zu hmu ve a keini duang te pawhin. Tichuan Mizoram University pawhin proposal engengemaw te a ti kal ve a. Heng hnuaiah te hian Lunglei lamah sawn khatiang college te kha din theih a ni ang em? Kan Minister hian ngaihtuahna ah min neih sak se tih kha ka ngen duh bawh a. Helaiah University kan nei a, Pachhunga University College te pawh a lo awm leh a. Tin, helaia model college an awm bawh kha chuan thingtlang leh hmun tam tak atanga zirlai tam tak college tha duh a kal te tan hian harsatna tam tak kan tawh thei a. Chuvangin a chhim lam zirna siamthatna leh sawlaia mi tam tak helai hmun, Aizawl khawpui a kal ve theilo leh awmna mumal neilo te tan pawh tangkai taka hlawk zawka hman a nih theihna turin chhim bial tan ang deuh te pawhin ti ta ila Lunglei ah sawn University campus ang te pawh kha ruahmanna min neihsak thei sela tih kha kan Minister zahawm tak ka han ngen tel bawh a ni. Hetiang Bill kan han nei te, rorelna sanga kan han ngaihtuah te hi Mizoram education tan bungthar niin ka hria a. Ka support a ni tih kha ka han sawi e. Ka lawm e.

SPEAKER : Kan awm tawh lo em? Aw, a nih leh sawi hmasa rawh Pu Sangkunga. Ani chu group leader a nia. Hnu khar rawh se.

Pu T.SANGKUNGA : Pu Speaker, ka lawm e. Vawiinah Bill tha tak mai 'The Mizoram State Higher Education Council Bill, 2017' kan han sawiho hi a lawmawmin a hlawkthlak ka ti a.

A hmasa berah chuan state govt. ni lo, central organisation a kan inrawlh lo lutuk hi thalo tihna Committee level ah te titi angin kan sawi kan

sawi thin a. Entirnan, BSNL, Vety College leh University te an awm awma an awm ngawt mai hi engtin emaw zu inrawlh dan, a siamthat dan tur hi a awm ang. Kan inrawlhlo lutuk hi a dik lo. Kan ramah an awm awm a, hetia an rawn awm ringawt mai hi a dik lo. Committee te hi indin dawt ila, kan Committee awmsa te pawh hian an chungchang thu te hi tul kan tih angin sawi ila a that dan a awm ang a tih te hi titi angin kan sawi thin a ni.

Vawiinah Council tha tak mai khatiang advice pe thei tur leh guideline te siamtha thei pawp pawp tur kan nei tur hi a lawmawm ka ti khawp mai a. Kan Minister in hetiang Bill a rawn pulut hi tha ka ti a. A tha ka tih em em pakhat chu a tih tur pakhat a 'review existing guideline and furnish recommendation for regulating admission to various courses and for appointment to the post of teacher and teacher administration in the University', tih a tel hi tha ka ti.

Kan zu inrawlh theih tanna a ni dawn tlat. Colleges & other institution of higher education a zu ti lehngal. Vanneihthlak takin MZU Executive Council-ah Mizoram University-ah hian kum thum (3) ka awm a. Hmanni lawk khan ka tawp ta a. Tumkhat chu Associate Professor, (heta sawi hi a pawilo turah ngai ta ila), tur hi an rawn recommend a. Chutah chuan Mizo, Dawrpui Vengthar ami, H.S.L.C. atanga first class, distinction te, honours tea pass thin, Phd, thiam em em mai, a thiamna engkima tling leh Manipur ami hnam dang, second class rawn ni chho nawk nawk leh Phd pawh ni lo, Associate Professor atana qualify lo kha an rawn chhawp chhuak a, Mizo kha an rawn ti tla ringawt mai a ni.

Executive Council-ah pawm turin an rawn chhawp chhuak a, zawhna ka zawt nasa nasa khawp a. Pawl tinah pawn lam mi hian a phalo tawp a nia, engatinge hetiang in rawn chhawp chhuah theih ka ti a. An Registrar pawh ka ti na khawp mai. A hnua ka hriat leh dan chuan Human Resources Ministry atanga lo kal kha a hnampui a nia. Ani an zah avang khan a hniam zawk lak turin an chhawp chhuak ni awm hian ka hria a. Ka zawhna kha chhan har an ti hle a ni. Hetiang hi thil kalhmanglo a ni, 'a thiam zawk hi lak mai tur a ni,' tiin ka tang ta a. Executive Council power a ni bawk si lo a, President of India power a ni tawh si a, President of India hnenah recommendation siam ila inthlaktleng tawp rawh se tih kan rawt a. Boruak kha a rit khawp mai a, mahse tuman min hnial ta lo a ni.

Kan Vice Chancellor kal ta, A.N Rai mi fel deuh mai kha member a ni hlauh mai a. "Kan member sawi kha a dik a ni. Tih theih kan nei tawh si lova, Search Committee-in an rawn tifel tawh a. President of India-ah hei hi pawm lo turin i recommend mai ang u" a ti a, kan recommend a. A dawt lehah, "A thiam zawk lak hi rawt nghal ang u" ka ti a, ka rawt chu a

tlang ta a ni. Chuvangin University-ah pawh la thawk lo, Sialmat College vela thawk kha an rawn recommend tawp mai a ni.

Member ruat pawh fimkhur a ngai, kum thum chhunga ka meeting-a vawi khat mah tawng lo ka hmu nual a ni. Keini agenda apiangah inrawlh kan tum lai khan thenkhat chuan an sawi lo reng reng tluan zak mai a. Member thenkhat chuan "Hei hi sawi la, hei hi sawi la" min ti ringawt mai a. An sawi ve duh bawk si lo a. Chuvangin a chhia zawng zawng, mi huat kha khum turin min duh nge ka hre lo a. Kei lah hi mihlim thenkhat chu khuang vuak phata eng hla nge sak dawn hriat hma hma a lam tan nghal ang deuh hian agenda sawi kan tum tawp mai si a. LDC an lak turte kha rapthlak ka ti lutuk a, "Eng guideline nge in hman?" tiin ka zawt a "U.G.C-ah pawh, central sorkar-ah pawh tunlaiah te chuan written hian mark 300 te a putin interview-in mark 50 te, 25 te a pu a. Hemi tuma an chhawp chhuah ah chuan written-a pakhatna pawh panel-ah in rawn dah a, written-a ti tha kha interview thei turah an ti lek mai a ni. MZP-te leh zirlai hoin an rawn aupui kha a lo dik em em vek mai hi a lo ni a. Chuvangin an recommendation chu kan cancel tawp a, court-ah an khing lehngal a, hei kum hnih hnu ah pawh result a la chhuak lo lehngal a. Chuvangin ka hmuh dan chuan, University-ah pawh kan inrawlh theihna tur niin ka hria a.

Tin, MZU-ah hian hnam chi khat an lut nasa lutuk. An sawi dan phei chuan unau-a mi pakhatin O.B.C Certificate a rawn nei a, a unaunu'n Scheduled Caste Certificate a nei te an ti a, dik tak maw ! OBC ten quota an nei tam ropui si a, tribal quota tih tham a awm bawk si lova. Heng zawng zawngah hian kan sawi ve a, ngun taka kan zir chian chuan kan thu kha an pawm lo thei lo. Chuvangin heng angah hian, kan Minister zahawm tak Bill putluh hi a tha a, lawmawm ka ti em em. Keini ang hi chu agenda kan han sawi ve pawp pawpa, a aia tha member dangten an rawn sawi chuan kan lo welcome mai a. Engmah sawi tum lo hi chu sual ni te hian ka hria a. A then hi chuan tha lo an tih rengte hi an sawi duh lova. Chuvangin Committee ruat atangte hian fimkhur a ngai. Pu Zawma, kan opposition group leader te nen hian kan sawi thin. Kan ram chhungah an rawn lut a, Bank leh Post Office te pawh hi an chungchang kan sawi ve hi dikin kan hre thin.

Higher Education, University leh College-ah te hian subject thlan thiam a tul. Tunlai khawvela mamawh tawh mang loh zir zir mai te History leh Political Science student an tam em em khan tunlai khawvelah hian hna hmuh nan a tha em tih ngaihtuah a ngai. Hna hmu tur hian skill a pawimawh em em. Kan Bill sawi pawh ka lo tum lem lova. Ka bula member zahawm tak sawi lai khan ka lo chhiar ve a. A lo that em avangin sawi lo thei niin ka inhre lo a. Khulai ka sawi ang khan Central Civil Services Rule emaw, University Grant Commission Rule emaw hi hman tur ni awm tak, a

engmah mah hmang lo a awmte kha a zahthlak, Pu Speaker, ka tawp a ni mai minute chanve lek. Hetiang dan tha kan nei hi patent error tih vel hian min tibuai lo se, pass tawp ila, a tul hi chu siam tha zel ila. Chuvangin kan zirna atana pawimawh lutuk a ni. Reilote MZU-a Executive member ka nih lai khan, BE (Electronic) B.E (Civil) B.E (Computer) leh Architech Course te kan hawng a. Khatiang khan independent deuhin Executive Council ten power kan lo nei si a. Kan awm ve hmaa MBBS Course an lo rawt a tlawlh kha a pawl a ni. Pu Rai-a kha Vice Chancelleor ni zel se chuan MBBS Course neih hman kan in ring thin. Hetiang University & Tech zirna sanga advice tha tak pe thei tur Council kan nei hi lawmawm ka ti a. Chuvangin a tum hi a that avangin a wording neuh neuhah hian buai lo ila, i pass ang u tih hi full-a support ka'n pe a ni. Ka lawm e.

SPEAKER : Pu Zawma.

Pu VANLALZAWMA : Pu Speaker, ka lawm e. East Tuipui Bialtupa sawi zawha han sawi hi chu a huphurhawm deuh thin a. South II emaw, Tuirial bialtute emaw thusawi zawha sawi hi chu keini ang tan pawh hian a zuamawm ve deuh a. Mahse vawinah a dawtah kan ding leh dawn a. Engpawhnisela, hun tha deuh min pe a, ka lawm hle mai a. The Mizoram State Higher Education Council Bill hetia pass mai theiha chhawp chhoha awma kan han pass dawn hi a lawmawm ka ti a. A move- tu kan Minister kha a inthlathlung khawp mai a, eng eng emaw fel tawk lo a awm tih pawm sa khan a rawn move a, chuvang chuan han hnial vak pawh a rem loin ka hria a. Ka lawmna ber pakhat chu hetiang mumal deuha Bill-te pass a, Rules te kan han nei chho tur lai hi a lawmawm ka ti a. Higher Education lamah hian kum 17 zet emaw kan lo tel ve tawh thin a. Chung hun lai chuan Teacher Association lamah te pawh mawhphurhna pawimawh deuh deuhthe chelhin kan lo awm ve a. Kan buaina ber thin kha chu rules mumal kan nei lo, dan mumal kan nei lo khan min tibuai a. Tum khat phei chu Guwahati te, Shillong te kan zu zin hial nghe nghe a, Education lam officer-te nen. Eng rules nge an lo hman bik a, engtin nge an lo inenkawl – Higher Education a ni emaw, School Education a ni emaw, Primary Education a ni emaw, khang zawng zawng zir khan. Chuta kan zu hmuh chhuah chu thil pakhat tih fuh loh kan lo nei a. UT hlim khan, Pu Speaker, nang pawh i MLA tawhna ah khan. Chuta tih fuh loh deuh pakhat kan lo neiha chu Assam atanga kan han indan chiah khan, (huat tur pawh a ni lo a) Education Director-ah Tripura lam mi kan la chhuak a, ani khan Tripura lam pattern-in min kalpui a tum a. Engmah peih fel si lo khan, Rules nei lo khan kan lo awm chho ta reng kha a ni a. Chungte chu kan zuk hmu chhuak a. Meghalaya kha chuan Assam an awm laia, Assam kan awm ho laia rules-a kha Assam tih zawng kha Meghalaya tiin an thlak chho zel a, mumal deuh khan. Heng education – Primary a ni emaw, School a ni emaw, Higher Education a ni emaw, tikhan an lo kalpui a. A bik

takin sorkar school ni lote pawh enkawl dan mumal deuh kha an lo nei a. Keini khan mumal lo deuh khan kum tam tak kha kan hmang a. Khami Assam Rules an tih kha 1924 daih tawha an siam hi a lo ni a, British ho hun lai khan. Chu chu an hmang chho zel a, independent kan lo nih pawh khan an chhawm chho zel a, an thlak rem hlek hlek a. Meghalaya khan fing takin, rem hre takin ti teh ang, Assam tih zawng kha Meghalaya tiin an thlak a, mumal deuh khan an kal chho a. Keini khan khami la lut si lo khan a thar siam tum khan Tripura lam pattern ngaihtuah khan kan ti a, siam si lo khan kan awm a. A hminga Education lama kan thawh ve thleng pawh khan Rules mumal nei lo khan kan awm reng a. Chungte chu Education-a tun thleng pawha kan la in chinfel hleih theih loh chhan, a tir teah UT hlim atangin Rules kan lo nei mumal lo, kan lo tih fuh loh kha a awm a ni tih kha sawilan te pawh a pawl lovin ka hria a. Chung avang chuan kan nei mumal lova, tun hnu hian rin aiin kan han tih chhoh pawh hian neih lohin a awm a, Rules te, Bill te han tih chhoh dawn hian harsatna a lo tam thei a. Tun tumah erawh chuan Mizoram State Higher Education Bill tiang hian puahchah a lo ni chho a, hei hian nasa takin a bikin Higher Education lamah min puiin ka ring a. Kha point pawimawh deuh mai ka hmaa sawitu khan a rawn sawi a University te kan han nei chho a, khungte pawh khu kan kal dan ilo ah te zu tel ve kan tum loh lutuk te pawh khuan min ti chhe tel deuh em aw tihte ka ngaihtuah a.

Chutih mek lai chuan he Bill sawi mek laia kan sawilan lawk duh chu Education-ah hi chuan ngaihdan zau deuh hlek te pawh kan put hi a dik mang e aw tih ka ngaihtuahnaah a awm a. Tunah hian MZU Syllabus Political Science Syllabus-ah hian 1st semester-ah topic pakhat ah Insurgency in Mizoram tih kha a awm a ni. Engvanga insurgency hi lo awm nge tih te, a consequence, engnge a nghawng tih te kha topic pawimawh zet mai hi a awm a. Chutah chuan zir laibu mumal hi a awm lova, amaherawhchu zir lai te leh zirtirtu te khan khami in surgency, ram buai laia a tak taka tel leh khatiang che vel te kha an awka ngei hriat duhin(sawi ta law law ila a pawl lem lo ang a) MNF party lama kan hotute an han sawm a. Kha kha kan ngaihtuah dan kha a fuhlo deuh em aw ka ti a. Khang rambuai lai chanchin a tak ngeia dai tute leh remna leh muanna kan lo neih theih dan chungchang te kha a hre ve ngei, a tak ngeia hmutute leh tel ve ngei ho awka hriat te kha academic ah hian thil pawimawh tak a lo ni a, miziak chhiar ngawt ai khan. Chungte chu kan han khap chho ta deuh te pawh kha kan ngaihtuah dan kha a fuhlo em aw ka ti a. Kan College zir lai te mi fel tak tak an ni a, engemaw an topic bika tute thusawi emaw an ngaihtlak avanga party-a in let ta buai buaiah kan ngai deuh nge ka hre lo va, khati zawnga ngaihloh hi a tha dawn lawm ni aw tih kha he hun remchangah hian Pu Speaker, ka'n sawi lang duh a. A chhan chu Mizoram buai lai kha zir a ngai tlat a ni, zir tur pawh a awm a ni. Engvanga lo buai nge kan nih? Kan society-ah hian engnge nghawng a neih tihte kha zir tur pawimawh deuh a ni a. Tin, kan political system thleng hian

tun thlengin nghawng a la neih dan te kha zirlai tan a, bik takin University lam ngaihtuahna atang chuan a pawimawh a. Khatiang tura kan hotute an han sawm kha kan thik deuh a, khapna te kha kan nei ta niin ka hria. Khalai te kha kan hotute pawhin rilru zau zawk neih kha a va dik em, kan kal zelna tur atan hian, he ram hmasawwna atan hian tih kha a bik takin he Bill kan sawi lai hian kan sawi lang ve duh hrim hrim a. A chhan chu Education-ah chuan eng pawh kha a pawimawh dan a awm zel a. History anga pawimawh em em te; tin, Political Science anga pawimawh em em te, Sociology lam tana pawimawh deuh deuh kha a awm chho zel a, kha kha kan zir chhoh zel tur a nih laia engemaw zawnga kan han ngai kha kan ti fuh lo hret em aw tih te he House zahawm tak ah hian han sawilan ve hrim hrim ka duh a. Ka rawn sawi tawh ang khan hetiang Bill kan nei tur hi a lawmawm a, hetiang hian hmasawwna kawng tam takin min thlen chho turah pawh ka ngai a.

Chutih mek laia kam hnih khat lek kan sawi belh leh duh chu tun hmaa kan sorkar kal tawh zawng zawng atang khan ti ta ila, (tumah kan va demna ni lovin), Education atana kan sum dah hi dik tak chuan a percent-a han chhut hian a lo tamlo viau mai a. Kerela state te hi kan lo phalo viau mai a, zirna atana budget-a an dah hran hi, chutah tak chuan kan vai hian mawh kan phur a ni, hei ai hian pawisa hi dah tam ta ila tun ai chuan a zia deuh ang tih hi ngaihtuahnaah a awm a. Vanneih thlak deuhin kohhran lam ten school din kan intihhmuh a, Primary School English Medium tih te heng te hi encourage a tha khawp mai a kan ram education siam tak tak tur chuan. A chhan chu tunah hian sorkar school deuh vek a ni a, College te pawh kan ni tho a. Khami a nih hi chuan a fel tawk lo. Kohhran ten an lo din chhuah te hi sum tam zawka puih chhoh dan te hi nei ta ila chuan Higher Education ah te College a lo ding thar zel tih kan hria a, kohhran lam hmalakna in hengte hi an kut ti chak tur chuan sum leh pai lama kan puih a administration-a va in rawlh vak si lova kan tih hian thil ropui tak a lo dingchhuak thei ang a. Khung Shillong te, India ram hmun hrang hranga College ropui leh lar ho hi kohhran college a ni tlangpui a. Heti zawng hian he Bill kan sawiho lai hian kan Minister lam te pawhin ngaihtuahna hmangin kan Finance lam te leh C.M. zahawm tak thleng pawhin ngaihtuah ta ila kan zia deuh ang a ka ti a. Chu chu Pu Speaker, hun min pek ah kan sawi ve a ni. Ka lawm e.

SPEAKER : Sawi duh dangte pawh kan awm mai thei a, mahse kha kha tawk tawh turah ngai ila, Minister zahawm takin khang sawihona kha rawn khaikawm sela, sawi fiah ngaite a awm chuan sawi fiah se, pass rawn dil nghal baw se a tha ang e.

Pu R.ROMAWIA, MINISTER : Pu Speaker, member zahawm tak tak paruk ten an sawi a, an sawi tam tak kha chu a dikna lai a awmin ka hria a, kan khal fumfe tawk lo a, kei pawhin ka khal fumfe tawk hman bik

chuanglo a. A vang chu nikum lam atang khan he dan hi tih luh tumin kan bei kan bei tawh a. DP & AR-ah te, Law-ah te kan kual kan kual a, kan peih dawn emaw kan tih pawh khan kan inpeih leh lo thin a, kan in vawm kir leh thin a chutiang reng reng chuan kan kal a. Tun tumah pawh Cabinet meeting hnunung berah pawh khan kan lut hman turah kan ngai a. Mahse kan hotute engagement dang an lo nei si a, agenda-a tel pawh kha kan sawi leh hman ta lova, sawi hman loh zingah a lo tel leh ta a. Chutiang a nih avang chuan circulation talin kan CM hnenah a phalna kan han dil leh a, by circulation in kan han ti leh a, hun a tight em em tawh chung khan min phalsak a, tihian kan han thawlh lut a. Kan han thawhlhah ah pawh kan in sanhmawh hle a. Zirtawpniah khan a luh ngei ngei a ngai a nia kan inti a. Tichuan Assembly Secretariat lam te pawhin an ban tlai phah a, naktuka sawi tur hian ka rilru ah chuan ka lo in ring a, naktuk a nih chuan hun a la awm deuh hlekah ka ngai a Bill thar te a ni bawh a, a dang hi zawng amendment te a ni neuh neuh bawh a, a ni hmasa lamah kan ti ang a, a bill thar hi chu a ni hnunung berah kan ti ang chu ka ti a. Mahse kan Assembly Secretariat lamte ka lo hrilh lem lo a niang, keima rilru khan naktuka sawiho tur khan ka in ngai hrim hrim a. Nizanah vawiin programme a lo thleng ta a, hei hi a lo ni ta si a, ka duh ai chuan kan member ten an kawh reilo mang e aw tih kha chu ka rilru ah chuan a awm sa hrim hrim a. Tichungin (a pumpui thuin) a principle in kan member han sawi ten tha min tih pui hle a ni tih kan hriat khan a lawmawm ka ti a. Zirna lama kan rualawh zia leh kan thahnem ngaihzia a langin ka hria a. Chumi hma chuan tuna kan Opposition Leader-in a sawi chungchang thu kha tlemin kan sadai kha a rawn nek deuh hlek a. Kolasib Government College khan Pu Zoramthanga Mizo hnam kalphung chungchang sawi turin an lo ruai a. Tichuan Mizo nationalism sawi turin an ti mai a, mahse heti hian Department kan awm ve a ,in awp dan phung a awm a, kan Director te emaw, kan Secretary hnenah pawh tu hnenah mah chutiang khatiang kan tum e tih a awm lemlo a, a hnu lehah khan Government Hrangbana College khan an han ti leh a. Khatah kha chuan Minister ka nihna ang khan riva a tam a discipline kengkawh zo lo em em ang khan ka lo lang ta a. Kan nauten an duh duh mimal an sawm a, kan campus chhung si ah, kan Dept. chhung si ah an duh duh an sawm luh a, an duh duh an sawi mai kha chuan "E khai, kan administration a ti chhia ang hetiang chuan, chuvangin han ti ve deuh teh u, an subject-a tel a ni vek alawm. Khawvel zawng zawng hi kan subject vek a nia, subject-a tel tih chhuanlam kha chu a dik ber lo ang. Engpawh nise, pawn lam mi politics-a active, a bik takin political party-a active te sawm tur chuan prior permission a ngai tur a ni. Chutianga inkhap bur pawh nilovin permission an lak kan phut mai chauh a ni a. Dik tak chuan MNF politic sawi tur chuan a fit ber zing ami niin ka inhre ve a,mimal pawin 1962 ah ka Matric pass chhuak zo Hnahchang za khuaah ka hovin MNF Unit kan din tawh a. Cotton College-a B.Sc. Mathematic honour ka zirlaiin ram leh hnam tan ka nunna ka hlan tur a

ni ka ti a, ka zirlaiin ka tlan chhuak a, chutiang chuan ramhnuaiah ka kal a. 1967 April 30-ah para-trooper hovin Pu Sainghaka hovin min man lui ta a. 1967 atangin ka tang ta char char a, 1970, July ni 7-ah Aizawl Additional District Magistrate DP Poona'n, MNF nih vang liau liau in DIR- 30(2) (5) tlawhchhanin kum 4 rigorous imprisonment min pe a ni. Mahse court-ah ka khing a, kum 2-ah min tih hniam sak a ni. MNF vanga convict hi Mizoram politic-ah active-a la inhmang hi pakhat mah an awm tawh lova, mahse Pathian min hruaina zel a ni a, ka lawm a.

Tichuan, Jail-ah Christmas vawi nga ka hman hnu in, 1972-ah bail-in ka chhuak a, thubuai dangah. Chutiang chu kan ni ve a, MNF history sawi tur chuan ka fit vein ka in hria, Mizoram political history sawi turin. A au pawh min au chhin lem lova. Engpawhnise, chu chu kan hotuten an sawi a nih chuan a tha a ni mai a, mahse an thlir dan kha a lo bias palh ang e, ti in fimkhur thu hla ah, 'heng hi chu hotu lian phalna te lak hmasaka tih avan tha em,' kan ti mai chauh a ni, khap burna dan a la awm chuang lo.

Pu LALRUATKIMA : Pu Speaker, point of clarification; khalaiah khan keimahni MLA te ngei pawh hi min sawm tim phah tlat a ni. Mimal taka min sawmna pawh khami avang khan a tuk ami tur zanlaiah min rawn cancel sak a. Chu chu MLA dinglaite em em hi chu, zirna in-ah emaw, khawiah emaw ...(interruption)

Pu R. ROMAWIA, MINISTER : Pu Speaker, thil dinglai leh dinglai lo pawh kan sawi chuang lova, a chhan chu a permission kha kan phut a ni. (PU LALRUATKIMA: Khalai permission kha pe vek tur khan college week ah te, an bialtu MLA te pawh college-ah te an sawm duh thei a. Khang kha chu kan ti lutuk deuh lo maw? Khang ang pawh kha, prior permission an la bik chuang hlei nem.) Issue bikah chuan, (Pu Speaker, movement tih ang lamah hi chuan, college function pangngai, fresher/ closing emaw ni lovin Mizoram politics movement tih ang ah hi chuan thisen hnai reng thei dinhmun ah kan ding a ni. Chuvangin thluak fima thlir a ngai. Kan naute khan AK-47 hum ta sela, thi theilo tura in ngai an tam lutuk. Chuvangin, engemaw kan ngaihtuahna fim hmang chungka kan thlir pui a ngai. Chutiang chu a nih avangin, fimkhur thu/hla ah prior permission kan phut mai a ni.

Pu LALRUATKIMA : Pu Speaker, MLA zawka kha kan ni a, MLA zawka kha Freshers' Social tih velah (SPEAKER : Prior permission dil a ngai a ti tawh alawm.) A nih chuan dil lo kan hriat kan rawn report dawn em ni? Freshers Social ah te hian politics etc. sawina hmun a ni lo tih chu mi pangngai chuan kan hre tlang vek ang.

Pu R. ROMAWIA, MINISTER : Freshers' Social chunchangah chuan engmah ka hre lo. Mahse, a bik takin Mizoram rambuai chungchang sawi dan phir chi hrang hrang a awm tlat tho; chutah a then sawi dan chuan thisen hnai leh tlat tawh mai te, a then sawi dan chuan remna maichama halral ngai tlat mai te, khatiang thu inkalhah khan kan naute subject-ah pawh awm mahse hei hi chu permission hi a ngai kan ti chauh a ni. Khatiang Freshers' Social-a sawm tih ang chu kan order-in a huam lo hrim hrim.

Tin, heti laiah hian 'kan magazine-ah rawn contribute ve rawh' an tih pawhin, chung ang chu a huam lo. Heti laia pawnlam mi va sawm luh a, khatiang ang chi, a issue a zir pawh a ni ang; a issue chu a sensitive em em a ni, kan ram politic history hi chu. Vawiin thlengin a la sensitive em em a ni; thisen a hnai thuai zel. Tute pawl bik emaw an han chet phei chuan thisen a hnai nghal tlat zel.

Awle, ka sawi lutuk pawh a ni maithei a. Member zahawm tak Pu Ngurdinglana khan RUSA kan thatpui zia a rawn sawi a, a ni taka, kan college te pawh hi a eng sur sur hi a ni mai a, UGC, NLECPR leh NEC atangte hian kan khawp lo em em a, RUSA kan nei hlahu hi kan college hrang hrang hian hmel thar a pu a, class room tha tak tak kan neih phah a. Computer lamah te pawh college hrang hrangah hmasawnna nasa tak a thleng hi a ram pum tan pawh malsawmna a ni pha a.

Tin, Lunglei lamah sawn Pukpui-ah chhim bial Chhantute'n ram min pe thei hlahu a, chutah chuan Engineering College kan sa a, tunah sawn a hmel a lang nasa tawh hle a. Chutiangan chhim lamah tal hian he college hi awm ve hram se kan ti a. Tin, Lunglei lamah khan tunhma atangin University Campus kha awm tura beisei reng a ni a. Chutihlain keini Higher & Technical phei chuan University hotute nen a khat tawkin kan sawi reng a, mahse anni hian chuti takin sum kan nei bik lo an ti a, Delhi lamah te an zuk nawr ve thin a. Tin, Pu Speaker, nang ngat phei hi chuan Siaha-ah te hian a campus kan mamawh a nia, rawn ti ngawih ngawih reng a. Chung chu kan hre reng a, mahse University hian southern campus tunhma atanga thu awm reng kha tun thleng hian min la tih hlawhtlin sak lova, kan beidawng chuang lova, kan la nawr reng a. MZU body council-ah te pawh sawiho tawh a ni a, hmalakna la kal zel turah kan ngai a.

Tin, RUSA sum ah khan eng eng emaw tawng dang zirna te leh computer lam leh hmasawnna chi hrang hrang engemaw zat kan nei a. NEDP atang hian vanneihthlak deuh maiin sum min rawn pe a, kan college te tih changtlunna tur. Chung chu kan library tih changtlun nan te kan hmang chho ve leh a. Lehkhabu tha tak tak journalism lam leh equipment hrang hrang lei nante kan han hmang chho a. Tin, RUSA atang khan a tir lam khan teaching

faculty, zirtirtu kan indaih lo hle a, tunah hian zirtirtu post ruak sanction post hnawhkhah tur 110 vel kan nei a, mitthi ai te emaw, pension ai te emaw, kan in dahkhat hlei thei lova, chung ah te chuan part time te la in engtin tin emaw kan kal naw naw a.

Pu Speaker, tunah pawh class te thei tur chuan semester system a kal chinah phei chuan indaihlohna hi a zual em em a. Khami hrereng chung khan RUSA atangin teaching faculty lam tihpunna kan han dil a, a tir kha chuan an phal lova, zuk kal leh kha chuan min lo hriatthiam pui a, 72 min rawn phal sak a. Mahse, chu pawh chu kal zel tur, RUSA Sscheme a lo tawp hunah 2023-ah a lo tawp ang a, Mizoram sorkar-in a ken chhoh tur ang a lo nih avang khan tunah hian DP&AR leh Finance lamah harsatna kan la nei rih a, kan la la thei rih lova. Chungte pawh chu kan lak theih hunah chuan RUSA scheme a awm chhung chuan an hlawh kha chu RUSA lam atanga lokal tur a ni a. Mahse, scheme a lo tawpah kan Hindi zirtirtute kan chhawm thei lo ang mai khan boruak tihhreawm palh leh hlauhna te pawh a awm a nih kan ring a. Khang te chu la thei ila chuan tlem chuan ziaawm turah ka'n ngai a.

Tin, Librarian phei chu kan indaih lo hrim hrim a, sorkar in a lak hma khan Governing Managing Board kuta an awm lai khan an staff neih ang ang kha sorkar khan a seng lut mai a nih lai khan fing deuh College kha chuan Librarian te kha an lo chhawm lut a. Mahse, a then phei chu entirnan Zirtiri Science College, kan rama Science College kan neih chhun pawh hian Librarian post kha an lo nei tlat lo mai a. Khatiang khan post nei lo hi kan ngah khawp mai a, hengte pawh sorkarah kan dil a. Kan hlawhtling thuai dawn te pawhin kan beisei a, a zavai ni lo mahse. Khatiang khan Library hrim hrimah lehkhahu lam kha chu kan nei tha sawt khawp a. Mahse, a thawktute hi tunlai thiamna kal zelah, tunlai electronic media atanga thil engkim inhlanhhawna ah lehkhahu lian pui pui, rit pui pui te kha kan pawm peih tawh lova, a download leh khatianga kan mamawh lai, duh lai lai khawih chhuah zung zung a nih avang khan, chungte pawh chu kan han ti chho ve tan a, RUSA lam te pawh hian theih ang angin hma an la chho va, a lawmawm khawp a.

Tin, a dan chhung bik khawih neuh neuhah chuan member ten an han sawi kha a dik khawp mai a, a kawmah pawh "The Mizoram State Higher Education Council Bill" tih a ni a. Hei hi kan pass tur tak pawh a ni a. Mahse, chuti chung chuan kan han keu a, phok hmasa berah chuan "This Act may be called the State Higher Education Council under RUSA Mizoram, 2017" tih a ni ta daih mai a. Chuvangin, this Act may be called the Mizoram State Higher Education Council, 2017" tih mai awm tak hi a ni a, a kawm a mi ang chiah hian. Chutiang pawh chuan ka move deuh a

nih chu, ka rawn move nghal a ni Pu Speaker. Kan la siam mai tur a ni. A kawm ami ang chiah hian i hmang tlang mai ang u. (SPEAKER, : Chuvang chuan em ni amendment te hi an siam) Aw, khatiang bawkh khan 2-na (e) naah pawh khan "Council" means the State Higher Education Council under RUSA, ti lo hian "Council" means the Mizoram State Higher Education Council ti leh tawp mai ila. Chutiang zel chuan khatiang thil a awm kha chuan "The Mizoram State Education Council, 2017" emaw khan kal mai ila thain ka hria a.

Tin, hetilaia member ban theih loh ban leh si tih te kha erawh chu, kan kawl rei loh avangin kan chhiar chiang hman lo tih kha a dik reng mai a.

Chairman of the Executive Council, section 4-naah khan "Unless it is the Minister in charge of Higher Education" a ti a. Higher Education changtu Minister te kha an lo inthlak chuan khami kha a dinhmun atang khan, a Office atang khan a ni zel mai ang a. Mahse, khami nilo kha midang zawn kha a tul ta a. Chu chu, chumi ni lo, midang an va zawn a kha chumi dinhmun a rawn sawina chu a ni a. "Chairman" a tih thlak thliah thliah a kha. "Unless Minister" a tih, khami ni lo Chairman a kha a ni a. Chuvangin, "the Chairman may be removed" a tih kha Minister Chairman ni lo a kha a ni tih ka han sawifiah duh a.

Tin, 8-na Member of the Council chungchang kha, member kha an awm ta thliah thliah a, kum 6 term kha a ni ta a ni. Mahse, hmun thuma thena hmun khat zel kha Rajya Sabha ang deuh khan, a member a kha, a Chairman, a Vice Chairman, a Secretary tih ni lo khami kha kum hnih a lo nih khan one third, kum hnih a lo kal leh hnu khan a la bang ho kha one third, khami a kal kha lak that leh zel kha, inthlak thar zel kha a ni a. Mahse, a full house kha chu a pangngai reng tho a ni. A member, a mi mala kha a inthlak dawn a ni. Chu chu a nia, "each member will have a term of 6 years", a lak thar tur chuan kum ruk chu an daih lovang. A lak thar tirah chuan kum 2 lek pawh a ni mai thei. Kum hnih nei te, kum li nei te pawh an ni mai thei. Mahse, khatia a kal zel, chuan kum ruk term kha a ni vek tawh dawn a ni. Tuna Rajya Sabha ang chiah khuan. First Rajya Sabha ang te pawh, khatiang khan kum hniha tawp te, kum lia tawp te an awm a, mahse, khang rawn thlak zeltu kha chu an kumhlun zel tawh chu a ni mai. Chutiang deuh chu a ni tilai hi. Khuti lam atanga a Dan rawn ruahman anga kan kalna a ni a, hriatthiam loh tur pawh a awm ka hre lova.

Chu lo leha chuan, nikum lam daih tawh, a dik a, nikum July lama signed tawh kha a ni a, mahse, tunah kan han thehlut thei chauh a, kumin kumkhat leh thla nga a nih hnuah kan han thehlut thei chauh a.

Mahse, hetilaia Statement of Objects and Reasons-ah pawh hian "The State Higher Educational Council Mizoram Bill, 2016" initial by propose tih kha chu sixteen kha seventeen-a dah a ngai lovang ka ti mai a. Chutiang chiah chuan a hmasa pawh khan Financial memorandum chungchangah pawh "State Higher Educational Council 2016" tiha chhut kai tawh kha a ni bawh a. Khatikhan sixteen te kha a awm nual a ni.

Tin, eizawna tinzawn zirna lam kha rilru ah hian a lian em em mai a, mahse tih theih tam tak hi kan nei lova. Tuna kan thalai hote hian general education mai hi chu an tawng khawp lo a ni tih pawh kan hria a. Mahni kut ke a din chaknaah hian kan thalaite rilru hi tunlai hian a thang nasa em em a. Chutiang a nih lai chuan thawkkhat lai pawh Kolkata lamah engngemawa hmasawn duhna luatah khan Pu Lalrinmawia Ralte te pawh, kan member zahawm takte pawh vawiin thlengin an thutna te sawn phah an ngai a. Khang te pawh kha dik tak chuan kan naute thahnem ngaihna kan thahnem ngaihpaina lam zel kha a ni a. Chutiang chuan kan thangtharte ah hian mahni kut ke-a din tumna lian tak a awm tawh a, kha kha a lawmawm em em a. Heng hi sorkar lam leh mipui pawh hian kan take care zo lo zawk hi a ni ber mai. Chutiang a nih avang chuan kan education-ah hian tawng zirna te kan ti a, RUSA-ah te ah hian tawng dang zirna te, extra curricular zirna hrang hrang an neih nan te, gymnast lam thlengte khan a remchan angin min lo introduce ve zel a. Hindi lam rawn titute, computer lam Zuangtui DOEACC lamte pawhin thahnem min ngaihpui a, khatiang khan class te nei in hetia zirna tluang pangngai bakah eizawna tinzawn thei ang khan min kalpui a. Kan naute /zirlaite pawh hi an phur em em mai a, sorkar lam hian kan la phurchhuak zo lo mah mah zawk a ni. Mahse tumna a awm chuan kawng a awm tih kha kan rilru ah hi chuan a la awm ve ran a ni tih kan hriat a tha in ka hria a.

Tin, nichina member zahawm tak Pu Ngurdingliana rawn sawi NAAC hi a lo pawimawh em em mai si a. Tunah phei chuan B grade chin lo hi chu grant engmah beisei theih loh te kha an rawn ti hial tawh a. Vanneithlak deuhin sawti laiah Hrangbana College-A grade te kan lo nei a, model college -ah te pawh khan min han tih sak thei a, sum tam zawk te min han siam a, anni pawh an hunte kha a lo liam leh tawh a, en thar leh an lo ngai tawh a. Tunah hian kan theih ang angin RUSA lam atang pawhin, Higher & Technical atang pawhin kan nihphung pangngai atang pawhin, NAAC period face tur hian kan inbuatsaih ve sauh sauh zel a. Chutiang a nih loh chuan kan fund ho, khuti laia kan fund hmuhna reng reng kha UGC atangin emaw, hmun dang dang atangin emaw, tin, RUSA lam atang emaw pawhin a tawp mai dawnin kan hria a, chungah chuan tan kan la nasa em em a ni tih te kha min

hriatpui ka duh a. Chutiang chuan heng ang kawng hrang hrangah hian tan kan la ve hram hram a. Tin, a dang chu ka sawi zel tawh lo mai ang, ka sawi ngaihnawm baw si lo a.

Dr. K. BEICHHUA : Pu Speaker, zawhna tlem clarification atan ka lo zawt lawk teh ang a, a dan kha kan la pass si lova, amend nghal kha ngai i rawn ti mai baw si a. Engchen kha nge kan amend ang a, engchen kha nge kan amend lohvang tih kha a la chiang lova point 1-na ah. Tin, kan Minister zahawm tak khan kan strike off tur leh strike off lo tur pawh kha a chiang si lova point 2-na. Pathumna ah chuan engchen nge kan pass ang a, a englaite nge a chiang leh baw si lova, bill pass a rawn move hi hetiang a pass tur chuan House hi a va zahawm dawn lo ve tih ka rilru ah ngaihtuahna ka nei a. Chuvangin hemi en chiang tur hian Committee-te pawh din leh ni mai se a tha lo maw tih rawtna ka rawn siam a ni.

Pu R. ROMAWIA, MINISTER : Pu Speaker, khami tur kha chuan House ngaihdan lak a tha ber ang a.

SPEAKER : Amendment kha i rawt thei a maw, tikhan ding chung khan. Hei hi hetiang zawng hian, entirman, a chung a comma in ziaak leh short title ami hi a inang ta lova, chu chu i duh thlang la, a chung a thu in ziaak hi nge kan rin zawk dawn short title ami nge, kha kha khatiangin hman zawk ni se verbally-in a tih theih a, heta tang hian Speaker-in phal theihna power a nei a, chuvang chuan khami amend ngai kha chu verbal khan ka rawn phal mai dawn che.

Pu R. ROMAWIA, MINISTER : Ka lawm e, chutiang a nih chuan a kal kual vak ai chuan tunah pawh hman kan mamawh tawh em em si avangin heti laia a kawm ami ang chiah hian "The Mizoram State Higher Education Council" tih hian kal zel sela, RUSA tih kual vel te kha awm lo sela, tichuan State Higher Education Council tih ringawt te pawh "The Mizoram State Higher Education Council" tih ni zelin, helaia lo lang ho hrang hrangah chuan Short title, extent and commencement-a no. 1-na ah te pawh

Pu LALRUATKIMA : Pu Speaker, khati taka a phuaui lai leh si chuan Select Committee-ah emaw vawm lut leh mai ila, siam that ngai kha kan la ti a, kha chen kha engatinge member ten ni 4 kan kaw l a, amaherawhchu siam that ngai kha kan hmu teuh mai a, hon'ble Minister pawh khan a diklo a pawm ve tho a, a nih chuan he House zahawm nan hian en tha leh lawk mai ila a tih ran dan kha ngaihtuah zawk ila a tha mai lo maw le kan ti a ni.

Pu R. ROMAWIA, MINISTER : Pu Speaker, siam that ngai a awm em em pawh chu a ni lo a, kan siam tha nghal zel mai a.

Pu P.C. ZORAM SANGLIANA : Pu Speaker, member zahawm tak tak dinglam ami emaw, vei lam ami emaw leh Minister zahawm takin a rawn move na atanga ngaihthlak khan a Bill hrim hrim pass kan duhna hi chu a chiang em em a ni. Amaherawhchu Minister pawhin House-a error a awm a ni tih a pawm a, amend hial a rawn rawt a, chumi a nih chuan tihian sawiho ah tawp sela, naktukah hun a la awm tho a, amended form in khang siam that ngai lai kha rawn dah se, chutia pass mai chu a theih mai lawm ni?

SPEAKER : Vawiina tih tur ah khan list-ah khan a tel tawh laklawh a, vawiina kan tih zawh loh chuan Minister zahawm takin tuna i rawn rawtna kha engzat chiah nge amendment ngai a, pakhat kha chu short title ami kha heta mi khan thlak mai ila, a har tawh lova, a dang kha engzat nge? A awm loh chuan...

(Pu R. ROMAWIA, MINISTER : Chuti a nih chuan Pu Speaker, a dang engzat mah a awm lo)

SPEAKER : chutia han dahthat ngaihna tur a awm chuang lo. Hei te chauh hi Chair-in a phal chuan a amend thei a.

Dr. K. BEICHHUA : Kan Minister zahawm tak pawh kha a chiang chiah lo in ka hria. Kan amend tur leh kan strike off tur neuh neuh ang chi te kha. Chuvang chuan lehlama member rawn rawtna ang chi te kha kei chuan ka support riau mai a. Vawiina kan tih theih loh chuan naktukah chiangkuan deuh hlekin ngaihtuah ila, chuti a nih loh chuan Select Committee kha a va kaw k deuh ve.

Pu R. ROMAWIA, MINISTER : Pu Speaker, Minister a chiangkuan lo a ni lova, The Mizoram State Higher Education Council ti khan amah leh a ho te zawng zawng chuan an hmang ngar ngar a ni. Mahse DP & AR-in hetiang hian a lo ti ta si a, DP & AR kaltlang lo in kan lut thei ta baw k si lo a. Law in a rawn vet ang khan kan rawn keng lut ta a. Mahse thuneitu zaw k hnenah ka rawn zualko ta a ni. Thuneitu tawp hnenah ka rawn zualko ta a. Kei leh ka department zawng ten kan duhdan ang chiah khan, he thuneitu tawp hian min tih tlang sak nghal mai rawh u ka rawn ti ta a ni. Chutiang a nih avang chuan 'The Mizoram State Higher Education Council' tih khan ti mai ila ka rawn ti a.

Pu LALRINLIANA SAILO : Pu Speaker, khawngaihtakin, a bu ah leh kan sawi dan reng reng ah hian thil pawl tak leh a nihna ang sawn dawrh tura han sawi dan a awm lo a. Chuvangin patent error-in min pawm sak mai ula tih ah khan pawm mai ila, chu chu rawn dil mai se, tichuan a fel maiin a rinawm. Khalaia eng emaw te te fel lo palh kha chu a fel leh mai dawn a ni. A awlsam mai ang chu chu.

Pu R.ROMAWIA, MINISTER : Remove theih loh tih a ni si a, remove theih tih leh si tih te chu kan in chhang fiah tawkin ka hria a.

SPEAKER : Lo thu rih rawh le. Kan dan 48-na phak 55-na kha keu ula, khatah khan 'Nevertheless the Speaker may allow a verbal amendment being proposed at the time of consideration of the bill' a ti ta a maw. Chuvang chuan nichina sawi kha pawm zawk tur kha a rawn tar lang tawh a. 'Hei hi amend min phal sak la,' rawn ti sela, Chair-in a phalsak ang a, kan pass dawn a ni.

Pu R.ROMAWIA, MINISTER : Pu Speaker, kan dan sawiho mek ah hian 'The Mizoram State Higher Education Council' tih hian tlang zel sela. State Higher Education Council under RUSA han tih te leh State Higher Education Council under RUSA tih leh thin te hi RUSA hming lang tawh lo hian hetilaia a title hming ngei hian kaltlang vek turin min phalsak turin ka rawn ngen a che.

SPEAKER : Ka phal sak che, tiang khan kan sawi zawm tawh dawn a nih chu.

Pu LAL THANHAWLA, CHIEF MINISTER : Pu Speaker, nangmah ngeiin tukin ah khan inngaitlawm takin a rawn introduce a i ti a tiraw? Tin, pass pawh a rawn dilpui a i ti a. Tin, amah pawh kha a inngaitlawm rual khan a thlaphang hle ni tur a ni a, pawn lam ami te kha tanpui tur khan a va au chul a ni. Kha kha kan la hre ngai miah lo a, he House-ah hian. Chuvangin, khatiang khawpa inngaitlawma rawn introduce, khatiang khawpa thlaphanga tanpuitu pawh pawn lam ami va au chul, kha kha chu tuna i rawn sawi ang khan i pass sak mai ang u.

SPEAKER : Amendment kha khatiang khan i rawn rawt ang khan kan phal ta.

Pu R. ROMAWIA, MINISTER : Pu Speaker, ka Bill 'The Mizoram State Higher Education Council Bill, 2017' Bill No. 51 of 2017 hi amendment i phalnaa ka rawn dil ang khan amended form khan he House zahawm tak hian min pass pui turin ka rawn ngen e.

SPEAKER : Awle, Minister zahawm takin sawifiah ngai te a sawifiah hnu ah leh short title-a in zia kha a chung a in zia kha Mizoram State Higher Education Council Bill 2017 hi chhawm ni sela tih a rawn rawtna kha amend chungin 'The Mizoram State Higher Education Council Bill, 2017' hi pass rem ti zawngin 'rem ti' ti rawh u le. (MEMBERS : Remti) Rem ti lo kan awm em? Awm lo. A lawmawm e.

Tichuan, 'Mizoram State Higher Education Council Bill, 2017' chu he House hian lungual takin a pass ta a ni e.

Pu R. ROMAWIA, MINISTER : Pu Speaker, ka lawm e.

SPEAKER : He mi zawhah hian GPC member te kha thu rel tur pawimawh tak pahnih kan neih avangin tlawmngaia Committee Room a kal vek turin kan in sawm a ni.

Tichuan vawiina kan tih tur chu Pathian zarah kan zo leh ta a. Naktuk ni 16, Ningani zing dar 10:30-a kalkhawm leh turin i haw rih ang u.

Sitting is adjourned at 3:25 P.M.